

საქართველოს სსრ განათლების სამინისტროს

ბრძანებათა და ინსტრუქციათა

საქართველოს
შენაწილები

E-171
1957

პრეპულო

СБОРНИК

ПРИКАЗОВ И ИНСТРУКЦИЙ

Министерства просвещения Грузинской ССР



მარტი



ОБЯЗАТЕЛЬНЫЙ ЭКЗЕМПЛЯР

ვედაგოგნიკურ მეთვითობათა ინსტიტუტის გამომცემლობა

19 თბილისი 57

რედაქტორი მ. ბურჭულაძე
ტექნორედაქტორი პ. გუნიავა

გადაიცა წარმოებას 5/III—57 წ., ხელმოწერილია დასაბეჭდად 17/IV-57 წ.,
ანაწყოების ზომა 6X9,5, ქაღალდის ზომა 60X84, სასტამბო ფორმათა რაოდენობა 4,5, საადრიცბვო—3,31, საავტორო—3,19.

შეკვეთა № 562.

ტირაჟი 5000

საქართველოს სსრ კულტურის სამინისტროს გამომცემლობისა და პოლიგრაფიული მრეწველობის მთავარი სამმართველოს სტამბა № 2
თბილისი ფურცელაძის ქ. № 5.

ბ რ ძ ე ნ ე ბ ა № 50

საპარტიზმოს სსრ განათლების სამინისტროსადმი

1957 წლის 17 იანვარი

სათამაშოების მუზეუმის მუშაობის შემოწმების
შედეგების შესახებ

შემოწმებით დადასტურდა, რომ სათამაშოების მუზეუმი იწარმოებს შემოქმედებითს, კვლევითსა და კულტურულ-საგანმანათლებლო მუშაობას.

მუზეუმს აქვს 724-მდე ექსპონატი, რომელიც თავისი ორიგინალობით მნახველთა ყურადღებას იმსახურებს. მრავალფეროვანი ექსპონატები მხატვრულად სრულყოფილი, საინტერესო და მისაწვდომია ბავშვებისათვის. გარდა ქართული, ნაციონალური დედოფლებისა და სათამაშოებისა, მუზეუმს აქვს მოძმე რესპუბლიკებისა და საზღვარგარეთის ქვეყნების ნაციონალური სათამაშოები; მუზეუმი პოპულარობით სარგებლობს; მუზეუმის გამგე თ. თუმანიშვილი მონდომებით ხელმძღვანელობს მუზეუმის მუშაობას.

მიუხედავად ამისა, მუზეუმის მუშაობას ახასიათებს ნაკლოვანებები. შედგენილია მხოლოდ წლიური გეგმა, რომელიც არავის მიერ არაა დამტკიცებული. გეგმის შესრულებას არ ეწევა სათანადო კონტროლი. მუზეუმთან არსებული სამეცნიერო საბჭოს სხდომა არ იწვევა რეგულარულად. 1956 წელს სამეცნიერო საბჭოს სხდომა მოწვეულია 6-ჯერ, ნაცვლად თორმეტისა. სამეცნიერო საბჭოს სხდომებზე ძირითადად იხილება სამუშაო გეგმის შედგენისა და შესრულების საკითხები.

სამეცნიერო საბჭოს შემადგენლობა გადახალისებას მოითხოვს. მოძველებულია მუზეუმის დებულებაც.

სათამაშოების მუზეუმი არაა მჭიდრო კავშირში საქართველოს სსრ განათლების სამინისტროსთან არსებულ სათამაშოების სამხატვრო-ტექნიკურ კომისიასთან.

F2037

ვ ბ რ ძ ა ნ ე ბ :



1. დაევალოს სათამაშოების მუზეუმის გამგეს ამხ. თ. თუმანიშვილი
შვილს: განათლებისა და მეცნიერების მინისტროს

ა) სისტემატურად აწარმოოს წლიური და კვარტალური გეგმების შედგენა და უზრუნველყოს მათი შესრულება;

ბ) გადაამუშაოს სათამაშოების მუზეუმის დებულება და დასამტკიცებლად წარმოუდგინოს საქართველოს სსრ განათლების სამინისტროს;

გ) წარმოადგინოს პროექტი სამეცნიერო საბჭოს ახალი შემადგენლობისა;

დ) მოეწყოს მივლინებები მოკავშირე რესპუბლიკებსა და საქართველოს სხვადასხვა რაიონში სათამაშოების შესწავლისა და ახალი ექსპონატების შექმნის მიზნით.

2. დაევალოს სათამაშოების სამხატვრო-ტექნიკური კომისიის მდივანს ამხ. თ. ჯაფარიძეს:

ა) სათამაშოების მუზეუმის გამგესთან ამხ. თ. თუმანიშვილთან ერთად შეარჩიოს საუკეთესო სათამაშოების ნიმუშები წარმოებაში დასაწერად;

ბ) სისტემატურად ხდებოდეს საქართველოს სსრ განათლების სამინისტროში შემოსული სათამაშოების ნიმუშების მუზეუმზე გადაცემა.

3. საბავშვო სახლების, სპეცსკოლებისა და სკოლამდელ დაწესებულებათა განყოფილებამ (ამხ. ვ. ჩინჩალაძე) ყოველ კვარტალში განიხილოს და დაამტკიცოს მუზეუმის სამუშაო გეგმა და კონტროლი გაუწიოს მის შესრულებას.

საფუძველი: საქართველოს სსრ განათლების სამინისტროს კოლეგიის 1957 წლის 11 იანვრის დადგენილება.

საქართველოს სსრ განათლების

მ ი ნ ი ს ტ რ ი გ. ჯიბლაძე

ბ რ ძ ა ნ ე ბ ა № 93

საქართველოს სსრ განათლების სამინისტროსადგი
1957 წლის 29 იანვარი

მოსწავლეთა არდადეგების, სკოლებში მეცადინეობის
დამთავრებისა და გამოცდების ჩატარების ვადების
შესახებ

სკოლებში კლასიდან კლასში გადასაყვანი გამოცდების გაუქმე-
ბასთან დაკავშირებით და სასწავლო წლის ორგანიზებულად ჩატა-
რებისა და დასრულების მიზნით.

ვ ბ რ ძ ა ნ ე ბ ა:

1. დაწყებით, შვიდწლიანსა და საშუალო სკოლებში საგაზაფ-
ხულო არდადეგები ჩატარდეს 25 მარტიდან 3 აპრილამდე ჩათ-
ვლით.

2. დაწყებით, შვიდწლიანსა და საშუალო სკოლებში მეცადი-
ნეობა დამთავრდეს I, II, III, XI კლასებში — 24 მაისს;
IV, V, VI, VII, VIII, IX და X კლასებში — 28 მაისს.

3. გამოსაშვები გამოცდები მეშვიდე კლასში ჩატარდეს 30 მაი-
სიდან 12 ივნისამდე, XI კლასში სიმწიფის ატესტატის მისაღები
გამოცდები კი — 30 მაისიდან 22 ივნისამდე.

4. მუშა ახალგაზრდობისა და დაუსწრებელი საშუალო სკოლე-
ბის V—XI კლასებში მეცადინეობა დამთავრდეს, მეშვიდე კლასებ-
ში გამოსაშვები და XI კლასებში სიმწიფის ატესტატის მისაღები
გამოცდები ჩატარდეს იმავე ვადებში, რაც დაწესებულია დაწყები-
თი, შვიდწლიანი და საშუალო სკოლებისათვის.

5. დაუსწრებელი საშუალო სკოლის V, VI, VIII, IX, X კლა-
სებში კლასიდან კლასში გადასაყვანი გამოცდები ჩატარდეს შემ-
დეგ ვადებში:

V კლასებში — 30 მაისიდან — 7 ივნისამდე,

VI კლასებში — 30 მაისიდან — 8 ივნისამდე,

VIII კლასებში — 30 მაისიდან — 10 ივნისამდე,

IX კლასებში — 30 მაისიდან — 15 ივნისამდე,

X კლასებში — 30 მაისიდან — 15 ივნისამდე (ჩათვლით) დაუსწრებელი საშუალო სკოლის გადასაყვან კლასებში.

მოცდო საგნები დარჩეს იგივე, რაც გათვალისწინებულია საქართველოს სსრ განათლების სამინისტროს 1956 წლის 14 აპრილის ბრძანებით (№ 352).

6. სოფლის ახალგაზრდობის სკოლებში სასწავლო წელი დამთავრდეს:

საშუალო და შვიდწლიანი სკოლების I — VI კლასებში — 30 აპრილს, VII და XI კლასებში — 12 აპრილს, საშუალო სკოლების VIII — X კლასებში 30 აპრილს.

7. სოფლის ახალგაზრდობის სკოლების VII და XI კლასებში საგაზაფხულო გამოცდები დაიწყოს 16 აპრილს და დამთავრდეს 30 აპრილს.

საქართველოს სსრ განათლების

მ ი ნ ი ს ტ რ ი გ. ჯიბლაძე



დ ე ბ უ ლ ე ბ ა სკოლაში გახანგრძლივებული დღის ჯგუფების შესახებ

I. ზოგადი დებულებანი

1. გახანგრძლივებული დღის ჯგუფის მიზანია უზრუნველყოფილ იქნას პედაგოგიური ზედამხედველობა იმ მოსწავლეებზე, რომლებიც მოკლებული არიან მშობელთა მეთვალყურეობას არასასწავლო დროის განმავლობაში.

2. გახანგრძლივებული დღის ჯგუფს აყალიბებს სკოლის დირექტორი, განათლების განყოფილების ნებართვით, იმ შემთხვევაში, როდესაც არიან I — IV კლასების მოსწავლეები, რომლებიც არასასწავლო დროს პედაგოგიურ მეთვალყურეობას საჭიროებენ.

II. დაკომპლექტება

1. ჯგუფში ბავშვების მიღებას, მშობელთა განცხადების საფუძველზე, აწარმოებს დირექტორი.

2. გახანგრძლივებული დღის ჯგუფის საშუალო დატვირთვა განისაზღვრება 25 — 40 ბავშვით.

III. აღმზრდელობითი მუშაობის ორგანიზაცია

1. აღმზრდელობით მუშაობას ჯგუფში ატარებს აღმზრდელი, რომელსაც აქვს პედაგოგიური განათლება.

აღმზრდელს ნიშნავს შესაბამისად საქართველოს სსრ განათლების სამინისტრო, აფხაზეთისა და აჭარის ასსრ განათლების სამინისტროები, სამხრეთ ოსეთის ა/ო განათლების განყოფილება განათლების განყოფილებათა წარდგენით.

2. გახანგრძლივებული ჯგუფის მუშაობის ხანგრძლიობა და სამუშაო საათები განისაზღვრება მეცადინეობის ცხრილით ისე,

რომ უზრუნველყოფილ იქნეს მოსწავლეებზე პედაგოგიური
თვალყურება იმ დროის განმავლობაში, რაც მათი მშობლები და-
კავებული არიან სამუშაოთი, მაგრამ არაუმეტეს 5 საათის
(აღმზრდელის სამუშაო დღე).

3. გახანგრძლივებული დღის ჯგუფში, სკოლის დირექტორის
ნიერ დამტკიცებული გეგმით, ტარდება შემდეგი მუშაობა ბავშვებ-
თან: გაკვეთილების მომზადება, კლასგარეშე კითხვა, შრომითი სა-
ჭმინაობა, გასეირნება, თამაშობანი და სხვ.

4. აღმზრდელი ადგენს დღის რეჟიმს, რომელსაც ამტკიცებს
სკოლის დირექტორი. დღის რეჟიმს უნდა იცნობდეს ჯგუფში მყო-
ფი ყველა მოსწავლე.

5. ბავშვებთან მუშაობის პერიოდში აღმზრდელი პასუხისმგე-
ბელია ამ მუშაობის სწორ ორგანიზაციაზე და ბავშვების სიცო-
ცხლესა და ჯანმრთელობაზე.

VI. აღმზრდელის შრომისა და ბავშვთა შენახვის ხარჯების ანაზღაურება

1. აღმზრდელს მუშაობა აუნაზღაურდება ფაქტიურად ჩატარე-
ბული საათების მიხედვით საბავშვო სახლის აღმზრდელისათვის და-
დგენილი განაკვეთით, საბავშვო სახლების აღმზრდელებისა და სხვა
მუშაკათათვის ხელფასის განაკვეთების გამოანგარიშების ინსტრუქ-
ციის შესაბამისად, აღმზრდელის განათლებისა და პედაგოგიური
სტაჟის გათვალისწინებით.

2. აღმზრდელის შრომის ანაზღაურებასთან დაკავშირებულ ხარ-
ჯებს მშობლები ფარავენ.

3. მოსწავლეთა გახანგრძლივებული დღის ჯგუფებში ყოფნის გა-
დასახადის ოდენობას აწესებენ შესაბამისი ქალაქების აღმასკომები.
ქალაქის აღმასკომების გადაწყვეტილებით მოსწავლეები ცალ-
კეულ შემთხვევებში, განათლებაზე ბიუჯეტით გათვალისწინებულ
ასიგნობათა ხარჯზე, შეიძლება განთავისუფლებულ იქნან გადასახა-
დისაგან, მაგრამ არაუმეტეს გახანგრძლივებული დღის ჯგუფებში
მყოფ მოსწავლეთა საერთო შემადგენლობის 15%-ისა.

4. გახანგრძლივებული დღის ჯგუფის შენახვის ხარჯთაღრიცხვას
ადგენს სკოლის დირექტორი მშობელთა კომიტეტთან ერთად.
ხარჯთაღრიცხვას ამტკიცებს განათლების განყოფილება.

5. გახანგრძლივებული დღის ჯგუფში ბავშვების შენახვის ყო-

ველი თვის გადასახადი მოსწავლეთა მშობლებს წინასწარ შეაქვთ სკოლის მიმდინარე ანგარიშზე „სპეცსახსრების“ განყოფში.

6. მოსწავლეთა კვება ეწყობა სკოლის ბუფეტში, სასადილო მუშაობის ხარჯზე.

V. ბინა და მოწყობილობა

გახანგრძლივებული დღის ჯგუფის სამუშაოდ სკოლა უფასოდ გამოყოფს აათანადო საკლასო ოთახს, საჭირო ავეჯსა და ნივთებს კლასგარეშე მუშაობისათვის (წიგნები, სამაგრო სათამაშოები და სხვ.)

VI. გახანგრძლივებული დღის ჯგუფების მუშაობაში

სკოლის მშობელთა კომიტეტის მონაწილეობა

მშობელთა კომიტეტი დახმარებას უწევს სკოლის დირექტორს იმ ბავშვების შერჩევაში, რომლებიც უნდა მოხვდნენ გახანგრძლივებული დღის ჯგუფში, აგრეთვე ეხმარება ამ ბავშვების მატერიალურ-საყოფაცხოვრებო პირობების შესწავლაში, მოსწავლეთა კვების მოწესრიგებაში, კლასგარეშე და სხვა სამუშაოების ჩატარებაში.

VII ხელმძღვანელობა და კონტროლი

გახანგრძლივებული დღის ჯგუფის მუშაობაზე კონტროლსა და ხელმძღვანელობას ახორციელებს სკოლის დირექტორი და განათლების განყოფილება. სკოლის ექიმი ახორციელებს მეთვალყურეობას ჯგუფში ბავშვთა რეჟიმისა და ფიზიკური აღზრდის ორგანიზაციაზე.

ბ რ ძ ე ნ ე ბ ა № 285/3

საქართველოს სსრ ბანათლების სამინისტროსადმი
1957 წლის 5 თებერვალი

კადრების დარგში ქ. ფოთის განათლების განყოფილების
მუშაობის შესახებ

გავეცანი რა სკოლების მასწავლებელთა აღრიცხვის, დანიშვნის, გადაყვანისა და დათხოვნის დარგში ქ. ფოთის განათლების განყოფილების მუშაობის შემოწმების შედეგებს, აღენიშნავ, რომ მასწავლებელთა დიდ ნაწილს არა აქვს წესრიგში პირადი საქმეები. საბუთები არ არის დალაგებული საქართველოს სსრ განათლების სამინისტროს 1954 წლის ინსტრუქციის შესაბამისად. პირად საქმეში არ არის შეტანილი ქალ-ვაჟთა ერთად სწავლების შემოღებასთან დაკავშირებული ცვლილებები. მასწავლებელთა საგრძნობ ნაწილს არ აქვს შეესებული სპეციალისტის ბარათები. განთავისუფლებული მასწავლებლები არ არიან აღრიცხვიდან მოხსნილი; მათი პირადი საქმეები ამოუღებელია. სისტემატური ჩასიათი აქვს მასწავლებელთა დანიშვნას საქართველოს სსრ განათლების სამინისტროს ბრძანების გარეშე ან მათი დანიშვნის შესახებ პროექტის დიდი დაგვიანებით წარმოდგენას.

1956 წლის 7 სექტემბრის № 13 მომართვით (კადრების განყოფილებამ მიიღო 12/IX № 2121) ფოთის განათლების განყოფილება მოითხოვდა 20 აგვისტოდან 20 მასწავლებლის განთავისუფლებას, 37 მასწავლებლის დანიშვნას და 23 მასწავლებლის გადაყვანას; 1956 წლის 20 სექტემბერს კი განყოფილებამ სამინისტროში გამოგზავნა 2 მომართვა № 575 და № 30, რომლითაც მოითხოვდა ორი მასწავლებლის განთავისუფლებას 1956 წლის 20 აგვისტოდან, ერთი მასწავლებლისა -- 15 სექტემბრიდან და 25 მასწავლებლის დანიშვნას 20 აგვისტოდან (მათ შორის 6-ს შეთავსებით), აგრეთვე ერთი მასწავლებლის გადაყვანას. 1956 წლის 17 დეკემბრის № 173

მომართვით განათლების განყოფილება მოითხოვდა 20 აგვისტოდან 3 მასწავლებლის განთავისუფლებას, 28 მასწავლებლის დანიშვნას (მათ შორის 8 მასწ. შეთავსებით) და 2 მასწავლებლის გადაყენებას 1957 წლის 4 იანვრის № 200 მომართვით—26 მასწავლებლის დანიშვნას და 1 მასწავლებლის გადაყენებას გასული წლის 20 აგვისტოდან. გარდა ამისა, 16 ოქტომბრიდან 21 დეკემბრამდე 6-ჯერ გამოიგზავნა მომართვები მასწავლებელთა შემადგენლობაში ცვლილებების შეტანის შესახებ, რომლებიც შეეხო 16 მასწავლებელს. სულ 1956 — 1957 სასწავლო წლის დაწყებიდან დღემდე განათლების განყოფილება მოითხოვდა ცვლილებების გატარებას 454 მასწავლებლიდან 185-ზე, მაშინ როდესაც ძირითადად ეს ცვლილებები უნდა მომხდარიყო ახალი სასწავლო წლის დაწყებამდე.

განათლების განყოფილება მომართვებს აფორმებს უწყსოდ, მათზე აწერს ნებისმიერ ნომრებს. 1956 წლის 7 სექტემბერს დაწერილ მომართვას აქვს № 13, 20 სექტემბერს დაწერილ მომართვებს № 575, № 30 და № 24, 1957 წლის 4 იანვრის მომართვას № 200. მასწავლებელთა დანიშვნის პროექტებს არ ახლავს პირადი და სპეციალისტის ბარათები.

ფოთის განათლების განყოფილება 1956 წლის 20 სექტემბრის № 24 მომართვით რეკომენდაციას აძლევს დირექტორის თანამდებობაზე დასანიშნავად პედაგოგიური სტაჟის არმქონე ან არასაკმარე სტაჟის მქონე მუშაკებს. საგვიჩიოს 7-წლიანი სკოლის დირექტორის თანამდებობაზე განყოფილებამ წამოაყენა ნოდარ ირაკლის-ძე ბერაია, რომელმაც 1956 წელს დაამთავრა თბილისის სახელმწიფო უნივერსიტეტის ისტორიის ფაკულტეტი და მუშაობის არავითარი სტაჟი არა აქვს, ხოლო ფოთის მე-3 საშუალო სკოლის დირექტორის თანამდებობაზე შეამდგომლობა აღუძრა შოთა ივანეს ძე კაკულიას, რომელსაც პედაგოგიური მუშაობის 2 წლის სტაჟი აქვს. ასეთივე სტაჟი აქვს გრიგოლ თევდორეს ძე არჩაიას, რომელიც განათლების განყოფილების პროექტით ინიშნებოდა ქალაქდიდის საშუალო სკოლას დირექტორად. ყველა ისინი 1956 წლის 20 აგვისტოდან აღნიშნული სკოლების ფაქტიური დირექტორები არიან.

არაღამაკმაყოფილებელია განათლების განყოფილების მუშაობა ახალგაზრდა მასწავლებლებთან. მათ საყოფაცხოვრებო პირობებს

განათლების განყოფილება არ იცნობს. მხოლოდ ერთხელ ჩაატარა ქალაქის პედკაბინეტმა მათთან სემინარი პროგრამების, სახელმძღვანელოებისა და მეთოდური ლიტერატურის გასაცნობად. სხვა ყველა ვითარი მუშაობა არ ჩატარებულა.

სხვა ყველა ვითარი მუშაობა არ ჩატარებულა.

უმუშევარი მასწავლებლები აღრიცხული არიან სპეციალობას მიხედვით, მაგრამ არ არიან ისინი ვატარებული სპეციალურ ყურნალში. მხოლოდ მათი განცხადებებია საქმეში ჩაყრებული.

შრომის წიგნაკები გადაეცა სკოლებს 1956 წლის სექტემბერში, მაგრამ არც გადაცემამდე და არც შემდგომ მათში საქარო ცვლილებები არ არის შეტანილი.

ვ ბ რ ძ ა ნ ე ბ:

1. დაევალოს ქ. ფოთის განათლების განყოფილებას:

ა) არ დაუშვას მასწავლებელთა მუდმივ სამუშაოზე გაგზავნა განათლების სამინისტროს ბრძანების გარეშე;

ბ) ზუსტად იხელმძღვანელოს განათლების სამინისტროს 1954 წლის ინსტრუქციით მასწავლებელთა აღრიცხვის, დანაშენის, გადაყვანისა და განთავისუფლების შესახებ;

გ) დააწესოს მტკიცე კონტროლი სკოლების მიერ შრომის წიგნაკების წესიერად შევსებაზე.

დ) აწარმოოს სისტემატური მუშაობა ახალგაზრდა სპეციალისტებთან: მიამაგროს ისინი გამოცდილ მასწავლებლებს, სისტემატურად ჩაატაროს მათთან თათბარები მეთოდურ საკითხებზე და გაუწიოს დახმარება საყოფაცხოვრებო პირობების გასაუმჯობესებლად;

ე) საქმიანი ქალაქები—მიმართვები, ბრძანებები, ბრძანებების პროექტები და სხვ. გააფორმოს სათანადო წესებას დაცვით და არ დაუშვას ნებისმიერი ნომრების დასმა ოფიციალურ ქალაქებზე.

2. საქართველოს სსრ განათლების სამინისტროს ბრძანების გარეშე მასწავლებელთა სამუშაოზე გაგზავნის, მათ შემადგენლობაში დამატებითი ცვლილებების სიმრავლისა და დადი დაგვიანებით წარმოდგენის, ზოგიერთ დასანიშნავ მასწავლებელზე არასრული ცნობების მოწოდების, ოფიციალური დოკუმენტების უმართებულად შედგენისა და დირექტორთა კანდიდატურების შერჩევაში უპასუხისმგებლობის გამოჩენისათვის ქ. ფოთის განათლების განყოფილების გამგეს ამხ. აკაკი ლევანია ძე ცხადაიას გამოეცხადოს საყვედური.

3. ეს ბრძანება დაეგზავნოს რესპუბლიკის ყველა რაიონისა და ქალაქის განათლების განყოფილებებს.

გაფრთხილებულ იქნან განათლების განყოფილებათა, რომ მსგავსი დარღვევების დაშვების შემთხვევაში მათ მიმართ მიღებული იქნება მკაცრი ზომები.

ს ა ფ უ ძ ვ ე ლ ი: საქართველოს სსრ განათლების სამინისტროს კოლეგიის 1957 წლის 25 იანვრის დადგენილება.

საქართველოს სსრ განათლების

მ ი ნ ი ს ტ რ ი გ. ჯიბლაძე

აფხაზეთისა და აჭარის ასსრ განათლების მინისტრებს,
სამხრეთ ოსეთის ავტონომიური ოლქის,
ძალაქების, ჩანიონების განათლების განყოფილებათა გამგეობებს

მუშა და სოფლის ახალგაზრდობის, დაუსწრებელი და
ოფიცერთა ზოგადსაგანმანათლებლო საშუალო სკოლების
ზოგიერთი მოსწავლის უცხო ენის სწავლებისაგან
განთავისუფლების შესახებ

საქართველოს სსრ განათლების სამინისტროში შემოდის მუშა
და სოფლის ახალგაზრდობის და დაუსწრებელი საშუალო სკოლების
მოსწავლეთა განცხადებები უცხო ენის შესწავლისაგან მათი გან-
თავისუფლების შესახებ.

მოსწავლეები თავიანთ თხოვნას ასაბუთებენ სწავლაში ხანგრძ-
ლივი წყვეტით და დიდი ასაკით (35—40 წ.), ამასთან აღნიშნავენ, რომ
ადრე მათ ან სრულიად არ უსწავლიათ უცხო ენა, ან უსწავლიათ
მრავალი წლის წინათ, რის გამო, არა აქვთ საჭირო ცოდნა პროგრამული
მასალის ნორმალური გავლისათვის.

საქართველოს სსრ განათლების სამინისტრო ნებას რთავს აფხა-
ზეთისა და აჭარის ასსრ განათლების სამინისტროებს, სამხრეთ ოსე-
თის ავტონომიური ოლქის, ქალაქებისა და რაიონების განათლების
განყოფილებებს, ცალკეულ შემთხვევებში, სკოლების პედაგოგიუ-
რი საბჭოების შუამდგომლობების საფუძველზე, უცხო ენის შესწავ-
ლისაგან გაათავისუფლონ მუშა და სოფლის ახალგაზრდობის, დაუს-
წრებელი და აგრეთვე ოფიცერთა ზოგადსაგანმანათლებლო საშუალო
სკოლების 35 წლისა და მეტი ასაკის მქონე მოსწავლეები.

უცხო ენის შესწავლისაგან განთავისუფლებული მოსწავლეების
მოწმობებსა და სიმწიფის ატესტატებში უცხო ენის გასწვრივ ხაზი
გაისმება.

საქართველოს სსრ განათლების

მ ი ნ ი ს ტ რ ი გ. ჭიბლაძე

ბ რ ძ ე ნ ე ბ ე № 142

საქართველოს სსრ განათლების სახელმწიფო საბჭოს
1957 წლის 13 თებერვალი

1956 წლის IV კვარტალში საბავშვო სახლების შემოწმების შედეგების შესახებ

შემოწმებით დადასტურდა, რომ ზოგიერთ საბავშვო სახლში სასწავლო-აღმზრდელობითი მუშაობა და სამეურნეო-საფინანსო საქმიანობა არაადაკმაყოფილებლად დაყენებული.

ზუგდიდის საბავშვო სახლში აღსაზრდელთა მოვლა-პატრონობა უყურადღებოდ მიტოვებული. როგორც საძინებელი, ისე სამეცადინო ოთახები ანტისანიტარულ მდგომარეობაშია. ბავშვებში არაა გამოჩენილი სათანადო კულტურული ჩვევები. ისინი არ არიან უზრუნველყოფილი სახელმძღვანელოებით და თვალსაჩინო-დიდაქტიკური ხელსაწყოებით. დაბალია აკადემიური მოსწრება, 85 შეფასებული აღსაზრდელიდან ვერ ასწრებს 9. საბავშვო სახლის 6 აღსაზრდელი სკოლაში არაა ჩაბმული, არ ტარდება მეთოდთა ბიურეოები და მეთოდური მუშაობები. ადგილი აქვს ბავშვების უნებართვოდ გასვლის შემთხვევებს. აღსაზრდელთა პირადი საქმეები მოუწესრიგებელია. არაადაკმაყოფილებლად დაყენებული შრომითი სწავლება დარღვეულია სამეურნეო-საფინანსო საქმიანობაც. ადგილი აქვს თანხების როგორც აუთვისებლობას, ისე გადახარჯვას. საბავშვო სახლის დისახლის-მეკუჭნავე ვ. შენგელიას 1 ოქტომბრისათვის დააკლდა 2910 მანეთი. გაზრდილია დებიტორული დავალიანება. დირექტორი ა. კვიციანი ითვლება ანგარიშვალდებულ პირად. 1 ოქტომბრისათვის მასზე ირიცხებოდა 4842 მან; ხოლო შემოწმების მომენტში 1856 მანეთი. ბუხჰალტერ ე. ჭკადუას მიერ დარღვეულია საფინანსო დოკუმენტაციის გაფორმების წესები. ყოველდღიურად არ იწერება საწყობის შემოსავალ-გასავლის ფაქტურა. პროდუქტების გაცემის ფაქტურებზე არ გამოყავთ ფასი და ჯამი. პროდუქტების

ხარჯვაზე არ არის შედგენილი პასუხისმგებელი მორიგეების აქტები,
არასწორად წარმოებს მივლინების ხარჯების განაღდება.

მახინჯაურისა და ვაკის საბავშვო სახლებში საძინებელ კრებულში
არ თბება.

მახინჯაურის, ვაკის, რუსთავის, კარდანახის საბავშვო სახლების
აღსაზრდელთა პირადი საქმეები მოუწესრიგებელია. არადაამაკმა-
ყოფილებლად დაყენებული შრომითი სწავლება ბორჯომის, ვაკის,
ბათუმის და რუსთავის საბავშვო სახლებში.

მახინჯაურის საბავშვო სახლში აღდილი ჰქონდა 12044 მან. რბი-
ლი ინვენტარის დაკარგვას. ყოფილ მნეს ვ. გოგიტიძეს 1820 მან.
დანაკლისი აქვს.

გ ბ რ ძ ა ნ ე ბ ე :

1. საბავშვო სახლის დირექტორებმა:

ა) უზრუნველყონ ამ ბრძანებასა და ნარკვევ მასალებში აღნიშ-
ნულ ნაკლოვანებათა გამოსწორება;

ბ) უმოკლეს დროში აღმოფხვრან აღსაზრდელთა მოვლა-პატრო-
ნობის საქმეში არსებული სერიოზული დარღვევები.

2. საბავშვო სახლის მუშაობაზე სუსტი კონტროლისა და საფი-
ნანსო დისციპლინის დარღვევისათვის ზუგდიდის საბავშვო სახლის
დირექტორი ა. კვირტია განთავისუფლდეს სამუშაოდან.

3. საფინანსო საქმიანობის არადაამაკმაყოფილებლად დაყენ-
ებისათვის გამოეცხადოს საყვედური ზუგდიდის საბავშვო სახლის
ბუხჰალტერს ე. ჭკადუას.

4. მიღებულ იქნას ცნობად, რომ რუსთავის საბავშვო სახლის
დირექტორი ლ. პავლოვა განთავისუფლებულია სამუშაოდან, მახინ-
ჯაურის საბავშვო სახლის ყოფილი მნის ვ. ტოგონიძის საქმე გადა-
ცემულია საგამომძიებლო ორგანოზე და ზუგდიდის საბავშვო სახ-
ლის დიასახლისი-მეკუჭნავე ვ. შენგელია მოხსნილია თანამდებობი-
დან.

ს ა ფ უ ძ ვ ე ლ ი : საქართველოს სსრ განათლების სამინისტროს
კოლეგიის 1957 წლის 8 თებერვლის დადგენილება.

საქართველოს სსრ განათლების

მ ი ნ ი ს ტ რ ი გ. ჯიბლაძე

ბ რ ძ ე ნ ე ბ ე № 154

საქართველოს სსრ განათლების სამინისტროსადგი
1957 წლის 15 თებერვალი

ასრ განათლების სამინისტროების, ა/ ოლქის, რაიონებისა და ქალაქების განათლების განყოფილებათა მიერ საქართველოს სსრ განათლების სამინისტროს ბრძანებებისა და განკარგულებების შესრულების შესახებ

როგორც შემოწმებით დადასტურდა, 1956 წელს განათლების ადგილობრივ ზოგიერთ ორგანოს არ შეუსრულებია საქართველოს სსრ განათლების სამინისტროს რიგი მნიშვნელოვანი ბრძანება, განკარგულება და მოწერილობა. ასე, მაგალითად: „სკოლების, რაიონების, ქალაქებისა და ოლქების განათლების განყოფილებებისა და ასრ განათლების სამინისტროების ანგარიშგების წესის შესახებ“ 1952 წლის ივნისის № 1488 ბრძანების თანახმად ასრ განათლების სამინისტროები და განათლების განყოფილებანი ვალდებული არიან სასწავლო წლის შედეგების შესახებ ანგარიში წარმოუდგინონ საქართველოს სსრ განათლების სამინისტროს 15 ივლისამდე. მიუხედავად იმისა, რომ ადგილებს წერილობითი შეხსენება გაეგზავნა, აღნიშნული ანგარიში დღემდის არ წარმოუდგენიათ ქ. რუსთავის, ასპინძის, ახალქალაქის, ახალციხის, ბოგდანოვკის, გარდაბნის, გეგეჭკორის, გორის, გურჯაანის, დმანისის, ყაზბეგის, ლენტეხის, მესტიის, ონის, საგარეჯოს, სიღნაღის, თერჯოლის, თეთრიწყაროს, ტყიბულის, წულუკიძისა და ჩხოროწყუს რაიონების განათლების განყოფილებებს.

წლიური ანგარიშის ნაცვლად ზოგიერთი რაიონისა და ქალაქის განათლების განყოფილებას წარმოუდგენილი აქვს მასწავლებელთა კონსტოს თათბირზე წაკითხული მოხსენების ასლი.

ზოგიერთი ანგარიში ვერ იძლევა სკოლებში ჩატარებულ მუშა-

F2037

ქალაქის
კონსტოს
თათბირზე
წაკითხული
მოხსენების
ასლი

ობის სრულყოფილ სურათს (სამხრეთ ოსეთის ავტონომიური ოლქის, ამბროლაურის, ბოლნისის, ზესტაფონის ლავოდების, წალენჯიხის რაიონების განათლების განყოფილებები), ხოლო ყვარლის განათლების განყოფილებამ წარმოადგინა ისეთი ანგარიში, რომელიც გაუგებარია, მაგალითად, ამ განყოფილების ანგარიშში ვკითხულობთ: „გამოცდებზე დაშვებულ იქნა 580 მოსწავლე, არ დაიშვა 1, გამოცდების შედეგად მთლიანად (!) დატოვებულ იქნა 589 მოსწავლე, საშემოდგომო გამოცდები მიეცა 511 მოსწავლეს, საგაზაფხულო დავალება მიეცა 170 მოსწავლეს, ორწლიანი მოსწავლეებიდან შემდეგ კლასში გადავიდა 516 მოსწავლე, მათგან ვერ ასწრებს (!) 142 მოსწავლე“.

ასეთივე გაუგებარი და ბუნდოვანი იყო ქარელის რაიონის განათლების განყოფილების ანგარიში (მაგალითად, განყოფილება იწერებოდა: „საბჭოთა სკოლებზე პარტიისა და მთავრობის დაუცხრომელი ზრუნვისა და დახმარების შესაბამისად ქარელის რაიონის ზოგადსაგანმანათლებლო სკოლებში 1955/1956 სასწავლო წელი ერთგვარი წარმატებით დაიწყო ჩვენი რაიონის სკოლების ქსელში“...; „განმტკიცდა მოსწავლეთა შორის კომუნისტური აღზრდა“... „გასული სასწავლო წლის გამოცდილებიდან რაიონის მასწავლებლებთან კოლექტივმა დაგმო ყოველგვარი უარყოფილი მოვლენები სასკოლო ცხოვრების სინამდვილიდან და ახალი სასწავლო წლიდან შეუდგა მუშაობას კომუნისტური პარტიისა და მთავრობის მიერ სკოლის წინაშე დაყენებული ახალი ამოცანების საპასუხოდ“).

ცხადია, ყოველივე ამის გამო საქართველოს სსრ განათლების სამინისტროს საშუალება არ მიეცა დროულად შეეჯამებინა და განეხილა 1955/1956 სასწავლო წლის შედეგები, შემდგომი მუშაობისათვის დაესახა სათანადო ღონისძიებანი და ანგარიში წარედგინა შემდგომ ორგანოებში.

არის შემთხვევები, როცა ქეროვანი ყურადღება არ ექცევა პედაგოგიური კადრების აღრიცხვისა და მათი პირადი საქმეების გაფორმებას:

ა) საქართველოს სსრ განათლების მინისტრის 1956 წლის № 323 ბრძანებით რაიონებისა და ქალაქების განათლების განყოფილებებს დაევალა სრულ წესრიგში მოეყვანათ მასწავლებელთა და სკოლის სხვა მუშაკთა შრომის წიგნაკების წარმოების საქმე და 1 მაისამდე სათანადო აქტის გაფორმებით ეს წიგნაკები ჩაებარებინათ სკოლის

დირექტორებისათვის (გამგეებისათვის). იმის გამო, რომ ეს ბრძანება 1 მაისამდე ყველა რაიონს არ ჰქონდა შესრულებული, განათლების სამინისტროს განკარგულებით (1956 წ. 13/VII № 707) დადგინდა, რომ 1 სექტემბრამდე გადაიდო და განათლების ადგილებზე ორგანოებს დაევალა 1956 წ. 1 სექტემბრისათვის წარმოდგინათ მოკლე მოხსენებითი ბარათი ზემოაღნიშნული ბრძანების შესრულების შესახებ.

მიუხედავად ამისა, სამინისტროში ანგარიშები დღემდის არ წარმოდგენია მთელ რიგ ორგანოებს, მათ შორის აფხაზეთის ასსრ განათლების სამინისტროს, სამხრეთ ოსეთის ავტონომიური ოლქის, კიათურის, ამბროლაურის, ასპინძის, ახალქალაქის, ახალციხის, ახმეტის, ბოგდანოვკის, ბოლნისის, ვანის, გარდაბნის, გურჯაანის, დმანისის, ზესტაფონის, ზუგდიდის, ყაზბეგის, ლაგოდეხის, ლენტეხის, მიაკოვსკის, მესტიის, მცხეთის, ონის, საგარეჯოს, საჩხერის, თერჯოლის, თიანეთის, ტყიბულის, ხაშურის, ზობის, ცაგერის, წალკის, წითელწყაროს, წულუკიძის, ცხაკაიას, კიათურის, ჩოხატაურის, ჩხოროწყუს და სხვ. რაიონების განათლების განყოფილებებს;

ბ) ვადაზე (იხ. 1956 წლის 28 ნოემბრის № 3636 ბრძანება, წარმოდგენის ვადა იყო 1956 წლის 10/XII) არ წარმოდგენიან ხელმძღვანელი კადრების რაოდენობისა და შემადგენლობის ერთდროული აღრიცხვის, აგრეთვე უმაღლესი და საშუალო სპეციალური სასწავლებლის კურსდამთავრებულთა შესახებ სტატისტიკური ანგარიშები: აჭარისა და აფხაზეთის ასსრ განათლების სამინისტროებს, სამხრეთ ოსეთის ავტონომიური ოლქის, კიათურის, ამბროლაურის, ახალქალაქის, ახალციხის, ახმეტის, ვანის, გარდაბნის, გურჯაანის, დმანისის, ზესტაფონის, ყაზბეგის, ქარელის, კაჭრეთის, ლაგოდეხის, მარნეულის, მახარაძის, მიაკოვსკის, მესტიის, ონის, ორჯონიკიძის, საგარეჯოს, სიღნაღის, თელავის, თეთრიწყაროს, თიანეთის, წალკის, კიათურის, ჩოხატაურის, ჩხოროწყუს და სხვ. განათლების განყოფილებებს.

ამის გამო საქართველოს სსრ განათლების სამინისტროს საშუალება არა აქვს დადგენილ ვადებში წარუდგინოს ზემდგომ ორგანოებს სტატისტიკური ანგარიშები;

გ) ვადაზე არ წარმოდგენიან ცნობები იმ მასწავლებელთა შესახებ, რომლებმაც ასაკის მიხედვით უნდა მიიღონ პენსია (იხ. ბრძანება № 5/4031, 1956 წ. 16 ოქტომბერი, წარმოდგენის ვადა იყო

1 დეკემბერი) ბოგდანოვიკის, ყაზბეგის, ყვარლისა და თელავის რაიონის განათლების განყოფილებებს.

ახალი სასწავლო წლისათვის სკოლებისა და საბავშვო ბუნებისმეტყველების მზადყოფნის შესახებ ადგილებიდან მიღებული შედეგებისა და სამინისტროს მიერ ჩატარებული შემოწმების მასალების განხილვის შედეგად დადგინდა, რომ რიგ სკოლებს არ ჰქონდა მიზიდული ადგილზე სათბობი მასალები საკმაო რაოდენობით. ზოგიერთ რაიონს გეგმით გათვალისწინებული ინვენტარიც არ ჰქონდა დამზადებული და ადგილზე მიზიდული. განათლების განყოფილებებს დაევალა აღნიშნული ნაკლი გამოესწორებინათ და განათლების სამინისტროსათვის მოეხსენებინათ შესრულების შესახებ (შესრულების ვადა იყო 1956 წ. 30/XI). სათბობით სკოლების მომარაგების შესახებ ადგილებს შეხსენებაც გაეგზავნა (იხ. 1956 წ. 17/XII № 9/2128), მაგრამ, მიუხედავად ამისა, დღემდის პასუხი არ წარმოუდგენია: ქ. ჭიათურის, ქ. გორის, ახალქალაქის, გორის, დმანისის, ლაგოდეხის, მარნეულის, მესტიის, საჩხერის, წალენჯიხის, წალკის, წითელწყაროს, წულუკიძის, და ჩხოროწყუს რაიონების განათლების განყოფილებებს.

ინვენტარის დამზადებისა და ადგილზე მიზიდვის შესახებ ადგილებს შეხსენება გაეგზავნა (იხ. 1956 წ. 17/XII № 9/2127), მაგრამ დღემდის ცნობა არ წარმოუდგენია: ბოგდანოვიკის, გარდაბნის გორის, დუშეთის, ლაგოდეხის, მარნეულის, სიღნაღის, თელავის, წალენჯიხის, წითელწყაროს, წულუკიძის და ჩხოროწყუს რაიონების განათლების განყოფილებებს.

მასწავლებელთა საცხოვრებელი სახლების მშენებლობის შესახებ ცნობები უნდა წარმოუდგენილიყო 1/X, მაგრამ დღემდე არ წარმოუდგენია: ადიგენის, ამბროლაურის, ახალციხის, ბოგდანოვიკის, გეგეჭკორის, ყაზბეგის, მესტიის, თელავის, თერჯოლის, წალენჯიხის და ცხაკაიას რაიონების განათლების განყოფილებებს.

ზოგიერთი რაიონის (ქალაქის) განათლების განყოფილება, მიუხედავად მრავალჯონი შეხსენებისა, დაგვიანებით ადგენს მეტად საჭირო მასალებს. ასე, მაგალითად:

ა) 1956 წლის მესამე კვარტალში ცნობები მუშაკთა რაოდენობისა და შრომის ხელფასის ფონდის აღრიცხვის შესახებ (ფ. № 51-ბ) უნდა წარმოედგინათ 10 ოქტომბრამდე, ფაქტიურად წარმოადგინეს: ქ. თბილისის განათლების განყოფილებამ 20 ოქტომბერს, გორის

რაიონმა — 24 ოქტომბერს, თერჯოლისა და ჭიათურის რაიონებში 22 ოქტომბერს, სამხრეთ ოსეთის ა/ო განათლების განყოფილებაში 22 ოქტომბერს:

ბ) ბიუჯეტის მაჩვენებლის შესადგენად გამოცხადდნენ რაიონის განათლების განყოფილებიდან 2 ნომბერს, ნაცვლად 12 ოქტომბრისა, კასპის რაიონიდან — 26 ოქტომბერს, ნაცვლად 16 ოქტომბრისა, თერჯოლის რაიონიდან — 22 ოქტომბერს, ნაცვლად 11 ოქტომბრისა და ა. შ.

ვ ბ რ ძ ა ნ ე ბ:

1. განემართოს აჭარისა და აფხაზეთის ასსრ განათლების მინისტრებს, სამხრეთ ოსეთის ავტონომიური ოლქის, რაიონებისა და ქალაქების განათლების განყოფილებათა გამგეებს, რომ საქართველოს სსრ განათლების სამინისტროს განკარგულებებისა და დაავალებების შეუსრულებლობა ან დაგვიანებით, არასათანადო პასუხისმგებლობით შესრულება ყოვლად შეუწყნარებელია, ვინაიდან ეს იწვევს დისციპლინის უხეშ დარღვევას, ზიანს აყენებს სკოლებისა და საბავშვო დაწესებულებების მუშაობაზე როგორც კონტროლის, ისე ხელმძღვანელობის საქმეს.

2. წინადადება მიეცეს აჭარის და აფხაზეთის ასსრ განათლების მინისტრებს, სამხრეთ ოსეთის ავტონომიური ოლქის, რაიონებისა და ქალაქების განათლების განყოფილებათა გამგეებს ერთი თვის ვადაში გამოასწორონ აღნიშნული ნაკლოვანებები და ამ მიმართულებით მიიღონ სათანადო ზომები.

3. სამინისტროს ბრძანების, განკარგულების, მითითებების, დავალების შეუსრულებლობის, ზერელედ ან უპასუხისმგებლოდ შესრულების თვითეული შემთხვევა განხილულ იქნას კოლეგიის სხდომაზე დამნაშავეის მიმართ ზომების მისაღებად.

დაევალოს სამინისტროს სამმართველო-განყოფილებათა უფროსებს თვალყურით ადევნონ ამ ბრძანების შესრულებას და შედეგი მომახსენონ 1957 წლის 22 მაისს.

საქართველოს სსრ განათლების

მ ი ნ ი ს ტ რ ი გ. ჯიბლაძე



ბ რ ძ ე ნ ე ბ ე № 155

საქართველოს სსრ განათლების სამინისტროსადმი
1957 წ. 15 თებერვალი

ქუთაისის რაიონის სოფ. რიონის საშუალო სკოლის შესახებ

შემოწმებით დადასტურდა, რომ 1957 წლის 17 იანვარს, ღამის 3 საათზე, ქუთაისის რაიონის სოფ. რიონის საშუალო სკოლის შენობაში გაჩნდა ხანძარი და მთლიანად დაიწვა სკოლის შენობა, რომლის საბალანსო ღირებულება შეადგენს 200,000 მანეთს; შენობასთან ერთად დაიწვა სკოლის ინვენტარი და სასწავლო კაბინეტების (ფიზიკის, ქიმიის, ბიოლოგიის) ხელსაწყო-იარაღები 38,000 მანეთად ღირებული. სულ ხანძრისაგან მიყენებული ზარალი შეადგენს 290,000 მანეთს.

გადარჩა მხოლოდ აგურის კედლები, ნაწილობრივ ინვენტარი (სალარო 3 ცალი, საწერი მაგიდა—2 ცალი, სკამები—17 ცალი, კარადა—3 ცალი), საბუხჩალტრო საბუთები, მოსწავლეთა და მასწავლებელთა პირადი საქმეები. დადასტურებულია, რომ ხანძარი გაჩნდა მეორე სართულზე სკოლის იმ ნაწილში, სადაც 1946 წელს ხის მასალისაგან მიშენებული იყო 4 ოთახი. სკოლის დარაჯს ლევან ანდრიას-ძე მორჩაძეს ეძინა და ხანძარი შეამჩნია ღამის 3 საათზე, როდესაც შენობა თითქმის დამწვარი იყო.

ხანძარსაწინააღმდეგო ხელსაწყოიარაღებით სკოლის შენობა უზრუნველყოფილი იყო, მაგრამ იარაღები ხანძრის დროს ვერ გამოიყენეს. 17/I-დან 21/I-მდე სკოლაში მეცადინეობა არ მიმდინარეობდა, მეცადინეობა განაზღვრა 21/I, ამჟამად სკოლა მოთავსებულია სოფლის საბჭოს და ჩაის მიმღები პუნქტის შენობებში.

გ ბ რ ძ ა ნ ე ბ ე:

1. ქუთაისის რაიონის სოფ. რიონის საშუალო სკოლის დირექტორი აკ. ბოჭორიშვილი, რომელმაც ვერ უზრუნველყო სკოლაში ხანძრის საწინააღმდეგო ღონისძიებათა გატარება, რის შედეგად და-

იწვა სკოლის შენობა და სასკოლო ინვენტარი, მოიხსნას სამუშაოდან.

2. ქ. ქუთაისის რაიონის სოფ. რიონის საშუალო სკოლის ნაწილის გამგე ამხ. გ. უკლება, რომელიც სუსტად ხელმძღვანელობდა ნორჩ მეხანძრეთა რაზმის მუშაობას, სკოლაში დირექტორის არყოფნის დროს 17 იანვარს, არ მიიღო საჭირო გამაფრთხილებელი ხანძარსაწინააღმდეგო ზომები, რასაც შედეგად მოჰყვა ხანძარი, მოიხსნას სამუშაოდან.

3. მიღებულ იქნას ცნობად, რომ ს. რიონის საშუალო სკოლის დირექტორის მოადგილე სამნეო ნაწილში მ. მორჩაძე რაიონის ორგანოების მიერ მოხსნილია სამუშაოდან.

4. დაევალოს რესპუბლიკის სკოლების დირექტორებს (გამგეებს) განსაკუთრებული ყურადღება მიაქციონ სკოლებში ხანძარსაწინააღმდეგო ღონისძიებათა გატარებას.

5. დაევალოს კაპიტალური მშენებლობის განყოფილების უფროსს ამხ. ა. ლადუას ა/წ 20 თებერვლამდე წარმოადგინოს სოფ. რიონის საშუალო სკოლის შენობის აღდგენისათვის ტექნიკური დოკუმენტაცია.

საქართველოს სსრ განათლების

მ ი ნ ი ს ტ რ ი გ. კიბლაძე

ბ რ ძ ე ნ ე ბ ა № 159

საქართველოს სსრ ბანათმშენის სამინისტროსადმი.
1957 წლის 16 თებერვალი

ხაშურის რაიონის სკოლებში პოლიტექნიკური სწავლების განხორციელების მდგომარეობის შესახებ

გავეცანი რა ხაშურის რაიონის განათლების განყოფილების გამგის ამხ. კ. მესხის ანგარიშს და განათლების სამინისტროს ინსპექტორთა ბრიგადის მიერ ჩატარებული გამოკვლევის მასალებს რაიონის სკოლებში პოლიტექნიკური სწავლების განხორციელების მდგომარეობის შესახებ, აღვნიშნავ, რომ ზოგიერთ სკოლას პოლიტექნიკური სწავლების საქმეში ერთგვარი მიღწევები აქვს მოპოვებული. შეფ-ორგანიზაციების დახმარებით სკოლებში მოწყობილია 3 საზეინკლო, 11 სადურგლო და 14 კომბინირებული სახელოსნო.

პოლიტექნიკური სწავლების შუქზე კარგადაა დაყენებული ქიმიის სწავლება ხაშურის პირველ საშუალო სკოლაში (მასწ. დ. ჩიქოვანი). სკოლას აქვს კეთილმოწყობილი ქიმიის კაბინეტი. კაბინეტში ტარდება პროგრამით გათვალისწინებული ყველა ცდა და პრაქტიკული სამუშაოები.

ყურადღებას იპყრობს მოსწავლეთა თვითნაკეთობანი და ჩატარებული ექსკურსიის შედეგად შეგროვილი ექსპონატები. მოსწავლელელი მოხდენილად უკავშირებს საგნის სწავლებას წარმოების საფუძვლების გაცნობას, სათანადოდ ავარჯიშებს მოსწავლეებს საწარმოო შინაარსის ამოცანების ამოხსნაზე.

ბიოლოგიისა და ნაკვეთზე პრაქტიკული მეცადინეობის სწავლებისათვის დამაკმაყოფილებელი პირობებია შექმნილი გომის საშუალო სკოლაში (მასწ. სამნიაშვილი). აქ ცდებისა და დაკვირვებათა შედეგად სიმინდის 20 სხვადასხვა ჯიშებიდან ნორჩმა ნატურალისტებმა ორი ჯიში შეარჩიეს ადგილობრივი პირობებისათვის. კოლმეურნეობამ გამოსცადა ეს ჯიშები და მალალი მოსავალი მიიღო. გარდა ამისა,

სკოლამ ადგილობრივ პირობებში გასაჯრცელებლად შეარჩია კარტო-ფილის ჯიში „ვარდისფერი“. კოლმეურნეობამ სკოლის ეს გამოცდი-ლებაც დანერგა პრაქტიკაში. სკოლა უზრუნველყოფილია ნაკვეთზე მუშაობისათვის საჭირო იარაღებით, სათესლე მასალით, მინერალური სასუქებით, შხამ-ქიმიკატებით და სხვ. მოსწავლეებს გამოუმუშავე-ბული აქვთ პრაქტიკული ხასიათის ისეთი ჩვევები, როგორცაა კვლების გაკეთება, ხეხილის გასხვლა, სასუქების შეტანა, სიმინდის დამატებითი დამტვერვა, სათესლე მასალის შერჩევა და სხვ. ასევე კა-რგად არის გამოყენებული სწავლების პროცესში სასწავლო-საცდელი მიწის ნაკვეთი ვაყის და ალის საშუალო სკოლებში.

დამაკმაყოფილებლად არის დაყენებული სასწავლო სახელოსნოს პრაქტიკული მეცადინეობა ხაშურის პირველ საშუალო სკოლაში (მასწ. ვ. ხარაბაძე). სახელოსნო აღჭურვილია ყველა საჭირო ხელსა-წყო-იარაღითა და ინსტრუმენტით. მოსწავლეები სახელოსნოში ამზადებენ ხისა და ლითონის სკოლისათვის საჭირო სხვადასხვა ნაკეთობებს.

კარგადაა მოწყობილი მანქანათმცოდნეობის კაბინეტი სურამის II საშუალო სკოლაში (მასწავლებლები ა. ბლიაძე და ა. გვილია). აქ საზეინკლო სახელოსნოსა და ავტო-საქმის კაბინეტისათვის გამო-ყოფილია ერთი დიდი ოთახი. კაბინეტსა და სახელოსნოს აქვს სხვა-დასხვა სახის ჩარხები, დაზგები, ხელსაწყო-იარაღები და ინსტრუ-მენტები, ავტომობილის ყველა ძირითადი კვანძი, მექანიზმი და პლაკატები.

მიუხედავად ამისა, ამ მიმართულებით ხაშურის რაიონის ბევრი სკოლის მუშაობა სერიოზული ნაკლოვანებებით ხასიათდება.

ტუზრის შეიღწლიან სკოლაში ცუდად არის დაყენებული (მასწავ-ლებელი გ. ბაღათური) პრაქტიკული მეცადინეობა სახელოსნოში. სახელოსნო სათანადოდ არ არის მოწყობილი. მასწავლებელი სუს-ტად ფლობს საგანს. იგი ვერ ანაწილებს სამუშაოს მოსწავლეთა შო-რის, დაუფლებული არაა ნახაზების აგებას, სკოლაში ვერ ნახავთ მოსწავლეთა თვითნაკეთ ხელსაწყო-იარაღებს.

ალის საშუალო სკოლაში (დირექტორი აკ. ნოზაძე) სახელოსნოს მეტად მცირე ფართობი უჭირავს. აქ არ ხერხდება ყველა მოსწავლის ჩაბმა პრაქტიკულ საქმიანობაში, შეუძლებელია სახელოსნოში საზე-ინკლო სამუშაოთა შესრულება ხელსაწყოთა უქონლობის გამო. სუს-ტად არის დაყენებული სასწავლო სახელოსნოში პრაქტიკული მუშა-

ობა ხაშურის II საშუალო სკოლაში (მასწ. ქ. ჩხიკვაძე). მასწავლებელი არ არის დაუფლებული საგანს და სწავლების პროცესში იმ მინიმალურ შესაძლებლობასაც კი ვერ იყენებს, რაც სკოლას გააჩნია.

აღის საშუალო სკოლაში (მასწ. ქ. ნოზაძე) მანქანათმშენობის პრაქტიკული ისწავლება ზეპირსიტყვიერად, თვალსაჩინოების გარეშე. სკოლამ გომის მტს-დან მიიღო ტრაქტორი, მაგრამ იგი სწავლების პროცესში არ არის გამოყენებული. ამ სკოლის IX კლასის მოსწავლეებმა არ იციან შიდაწვის ძრავის მოქმედების პრინციპები, ვერ ერკვევიან ტაქტებში და იმ პროცესებში, რომლებიც ძრავაში მიმდინარეობს, არ იციან ტემპერატურისა და წნევის ცნებები. ახალი მასალა „გაზ-გამანაწილებელი მექანიზმი“ მასწავლებელმა ძლიერ მოკლედ და ზერელედ ახსნა. მან არ გამოიყენა მის განკარგულებაში არსებული თვალსაჩინოება. დაბალ დონეზე დგას ელექტროტექნიკის პრაქტიკულის სწავლება. შესაბამისი მატერიალური ბაზის უქონლობის გამო ზოგიერთ სკოლაში ფაქტიურად არ ტარდება პრაქტიკუმები.

ხაშურის პირველი და სურამის მეორე საშუალო სკოლები, საკუთარი ბაზის უქონლობის გამო, სწავლების პროცესში იყენებენ ადგილობრივ საწარმოო ბაზებს (ხაშურის საელმავლო დეპო, მანქანა-ტრაქტორთა სადგური, სურამის სოფლის მეურნეობის მექანიზაციის სკოლა).

ტეზრის შვიდწლიან სკოლას არა აქვს ბიოლოგიის კაბინეტი და სასწავლო-საცდელი მიწის ნაკვეთი (მასწავლებელი გ. ბალათური). სკოლაში ცუდად მუშაობს ნორჩ ნატურალისტთა წრე. აქ დღემდე არ ჩატარებულა არცერთი ექსკურსია. მასწავლებელი ბალათური საკმაოდ არ არის დაუფლებული საგანს, მოსწავლეებს იგი ბუნდოვან განმარტებებს და მცდარ დებულებებს აწვდის.

არადამაკმაყოფილებლად არის დაყენებული ბიოლოგიისა და ნაკვეთზე პრაქტიკული მეცადინეობის სწავლების საქმე ხაშურის II საშუალო სკოლაში (მასწავლებლები ვ. ბერძენიშვილი, ქ. ჩხიკვაძე). კაბინეტის განკარგულებაში არსებული მცირეოდენი მოწყობილობაც კი მოუვლელი და გამოუყენებელია.

სკოლის მიწის ნაკვეთი არ არის კეთილმოწყობილი, არ ტარდება მასზე რაიმე სახის პრაქტიკული მუშაობა, არ ჩანს ნორჩ ნატურა-

ლისტთა მუშაობა სკოლაში, არ ტარდება პროგრამით გათვალისწინებული ცდები და დაკვირვებები.

სუსტად ასწავლის სოფლის მეურნეობის პრაქტიკულ ველის საშუალო სკოლის მასწავლებელი ი. ნოზაძე. იგი საკმაოდ დაუფლებული სოფლის მეურნეობის ძირითად საფუძვლებს, არ ატარებს ექსკურსიებს სასოფლო-სამეურნეო საწარმოებში და პრაქტიკუმის ჩატარებას მხოლოდ თეორიული საუბრებითა და სასკოლო მუშაობით ამოწურავს.

არადამაკმაყოფილებლად ისწავლება ქიმიის ხაშურის II საშუალო სკოლაში (მასწ. ვ. ჯორჯიშვილი). კაბინეტი არაა მოწყობილი დგამ-ავეჯითა და ლაბორატორიული მუშაობის ჩატარებისათვის საჭირო ინვენტარით. ღარიბია კაბინეტი ხელსაწყო-იარაღებითა და რეაქტივებით, არ არის მოსწავლეთა თვითნაკეთობანი.

ხაშურის რაიონის განათლების განყოფილება არ ახორციელებს თანმიმდევრულ ღონისძიებებს მოსწავლეებში სახელმწიფო ქონებისადმი გულისხმიერი მოპყრობის ჩვევების დასაწერგავად. ამიტომაც, რომ ნაადრევად ზიანდება სკოლის შენობები, იმტერევა, ფუჭდება და მწყობრიდან გამოდის სასკოლო დგამ-ავეჯი.

ხაშურის რაიონის განათლების განყოფილებამ სათანადო თაოსნობა არ გაუწია სასკოლო ქონების მოვლა-პატრონობის მტკიცე ჩვევების გამომუშავების საქმეში მახარაძის მეორე საშუალო სკოლის გამოცდილების დანერგვას.

ვ ბ რ ძ ა ნ ე ბ:

ხაშურის რაიონის განათლების განყოფილებამ (გამგე კ. მესხი):

1. მიიღოს ყველა ზომა ბრძანებაში აღნიშნულ ნაკლოვანებათა აღმოსაფხვრელად, რისთვისაც მიიღწიოს სახელოსნოების, კაბინეტ-ლაბორატორიების მოწყობა-შეეცებას; საქმიანი კავშირი დაამყაროს შეფ-ორგანიზაციებთან და მათი აქტიური დახმარებით უზრუნველყოს რაიონის სკოლებში პოლიტიკური სწავლებისათვის საჭირო მატერიალურ ბაზის შექმნა;

2. ღრმად შეისწავლოს პოლიტექნიკური სწავლების საქმეში სკოლებისა და მასწავლებლების მიერ დაგროვილი მოწინავე გამოცდილება და ფართოდ განაზოგადოს იგი;

3. განსაკუთრებული ყურადღება მიაქციოს ამ ბრძანებაში აღნიშნული სუსტი მასწავლებლების მუშაობას. გაუწიოს მათ მე-

თოდური დახმარება, უზრუნველყოს მასწავლებელთა პედაგოგიური დახელოვნების ამაღლება; სასწავლო წლის დასრულებისას, შეზღვევების შედეგების მიხედვით, გაატაროს მათ მიმართ საჭირო ღონისძიებანი;

4. მოსწავლეებში სასკოლო ქონების მოვლა-პატრონობის მტკიცე ჩვევების აღზრდის დასაწერგავად უზრუნველყოს რაიონის სკოლების საქმიანი გამოხმაურება მახარაძის მეორე საშუალო სკოლის მოწოდებისადმი, ისე, რომ ყველა სკოლამ შეიმუშაოს ერთიანი კონკრეტული მოთხოვნები მოსწავლეთა ყოფაქცევისადმი, გადამწყვეტი ბრძოლა გამოუცხადოს უდისციპლინობას, სასკოლო ქონებისადმი უპასუხისმგებლო დამოკიდებულებას; სანიმუშოდ მოუაროს სასკოლო შენობას, დგამ-ავეჯს, სასწავლო ინვენტარს, თავიდან აიცილოს მათი ყოველწლიური რემონტი და სახელმწიფოს სახსრების ეს დანაზოგი მოახმაროს სკოლის მატერიალური ბაზის შემდგომ განმტკიცებას.

ს ა ფ უ ძ ვ ე ლ ი: საქართველოს სსრ განათლების სამინისტროს კოლეგიის 1957 წლის 8 თებერვლის დადგენილება.

საქართველოს სსრ განათლების

მ ი ნ ი ს ტ რ ი გ. ჯიბლაძე

ბ რ ძ ე ნ ე ბ ე № 160

საქართველოს სსრ ბანათლების სამინისტროსადმი
1957 წლის 16 თებერვალი

ხაშურისა და ქარელის რაიონების სკოლებში ხასწავლო-აღმზრდელითი მუშაობის შემოწმების შედეგების შესახებ

გზვეცანი რა ხაშურისა და ქარელის რაიონების სკოლების მუშაობის შემოწმების შედეგებს, აღვნიშნავ, რომ ზოგიერთ სკოლას ერთგვარი წარმატებები აქვს მოპოვებული ხასწავლო-აღმზრდელითი მუშაობის გაუმჯობესების საქმეში.

კარგად მუშაობენ: ქართული ენისა და ლიტერატურის მასწავლებლები ვ. ქვრივიშვილი (ხაშურის პირველი საშუალო სკოლა), მ. გლუნჩაძე (ხაშურის რაიონის ქვიშხეთის საშუალო სკოლა), ვ. ლონღაძე (ხაშურის რაიონის ალის საშ. სკოლა), რუსული ენისა და ლიტერატურის მასწავლებლები — ვ. ნეროდენკო (ხაშურის II საშ. სკოლა), ლ. გოროდინსკაია (ხაშურის რაიონის სურამის მეორე საშ. სკ.), ლ. აბაშიძე (ქარელის საშუალო სკოლა), ც. მაჭავარიანი (ქარელის რაიონის ბრეთის საშუალო სკოლა), მათემატიკის მასწავლებელი ა. მჭედლიძე (ალის საშ. სკ.), ქიმიის მასწავლებელი დ. ჩიქოვანი (ხაშურის I საშ. სკ.), ფიზიკის მასწავლებელი გ. ლობჯანიძე (ქარელის რაიონის მოხისის საშ. სკოლა), ბიოლოგიის მასწავლებლები — კ. სამნიაშვილი (ხაშურის რაიონის გომის საშ. სკ.), ნ. მარტინენკო (ალის საშუალო სკოლა), ისტორიის მასწავლებელი გ. კუთხაშვილი (ქარელის რაიონის ბრეთის საშ. სკ.), ინგლისური ენის მასწავლებელი მ. კეშელავა (ხაშურის II საშუალო სკოლა).

მაგრამ ხაშურისა და ქარელის რაიონების ბევრი სკოლის მუშაობაში ადგილი აქვს სერიოზულ ნაკლოვანებებს.

ალის საშუალო სკოლის ქართული ენისა და ლიტერატურის მასწავლებლები ვ. ნოზაძე და რ. ლოლაძე უპასუხისმგებლოდ ეკი-

დებიან დაკისრებულ მოვალეობას, მოუმზადებლად შედიან გაკვეთილებზე, ცუდად ატარებენ წერით სამუშაოებს და უგულისხმოდ ასწორებენ ნამუშევრებს. შეუწყნარებლად დაბალია ამ სკოლის მასწავლებელთა მომზადების დონე. ასევე სუსტად მუშაობენ ხაშურის ქარელის რაიონის დირბის საშუალო სკოლების ქართული ენისა და ლიტერატურის მასწავლებლები მ. ციციშვილი და მ. მაზმიშვილი.

ძალზე დაბალ დონეზე დგას რუსული ენისა და ლიტერატურის მასწავლება ქარელის რაიონის რუსის საშუალო სკოლის VIII—IX კლასებში. მასწავლებელი ს. მამესწარაშვილი (მას არ აქვს უმაღლესი განათლება) სუსტად ფლობს რუსულ ენას, არ ემზადება გაკვეთილებისათვის და ვერ ახერხებს გაკვეთილების ახსნას სახელმძღვანელო წიგნის დაუხმარებლად. ანალოგიური მდგომარეობაა დირბის საშუალო სკოლის IX—XI კლასებში (მასწ. ზ. ჩუბინიძე), ხაშურის მეორე საშუალო სკოლის VII—IX კლასებში (მასწ. ნ. კიკნაძე), ქვიშხეთის საშუალო სკოლის VI—VII კლასებში (მასწ. გ. ნოზაძე). აღნიშნული მასწავლებლები ყურადღებას არ აქცევენ მოსწავლეთა მიერ სიტყვების სწორ გამოთქმას, მახვილის მართებულად ხმარებას, მხატვრულ კითხვას, გულდასმით არ ასწორებენ საკონტროლო წერით ნამუშევრებს და შეუმჩნეველი რჩებათ მოსწავლეთა მიერ დაშვებული უხეში შეცდომები.

სუსტად იცის ენა დირბის საშუალო სკოლის დაწყებითი კლასების რუსული ენის მასწავლებელმა თ. ბერიძემ.

ხაშურის რაიონის ტეზრის შეიღწლიანი სკოლის მათემატიკის მასწავლებელი ვ. ჩიტიაშვილი არ მუშაობს თავის თავზე და არ ემზადება გაკვეთილებისათვის. იგი გაკვეთილის გეგმას ადგენს ფორმალურად, საშინაო დავალებად მიცემულ და კლასში ამოსახსნელ სავარჯიშოებს წინასწარ არ ხსნის. VII კლასში მასწავლებელმა არ იცოდა ალგებრაში რა ჰქონდა მიცემული მოსწავლეებს საშინაო დავალებად. კლასში ვერცერთმა მოსწავლემ ვერ შესძლო სამის, რვის და თერთმეტის საერთო უმცირესი ჯერადის პოვნა. გაუძნელდათ 120-ის გაყოფა 8-ზე. მასწავლებელი საკონტროლო წერებს წინასწარ მომზადების გარეშე ატარებს და მოსწავლეთა ნამუშევრებს ლიბერალურად აფასებს.

დაბალია მოსწავლეთა მომზადების დონე გეომეტრიაში ქვიშხეთის საშუალო სკოლაში (მასწ. მ. ხიზანიშვილი), ალგებრაში ხაშუ-

რის II საშუალო სკოლის VIII კლასში (მოსწავლეები ქ. შიდა-რიშვილი).

სუსტად არის დაყენებული ფიზიკის სწავლება საშუალო სკოლაში. დამწყები მასწავლებელი ივ. ფლობს საგანს და მისი სწავლების მეთოდებს. X კლასში ნოზაძემ ვერ მისცა მოსწავლეებს სითხის ზედაპირული დაჭიმულობის კოეფიციენტის ზუსტი განმარტება, მასწავლებელი არასწორად წერს ფიზიკური სიდიდეების განზომილებებს. ასევე, სუსტად არის დაყენებული ფიზიკის სწავლება გომის საშუალო სკოლაში (მასწ. თ. ლომიძე). მასწავლებელი არ ატარებს ლაბორატორიულ სამუშაოებს, საკონტროლო წერებსა და ექსკურსიებს.

რუისის საშუალო სკოლის გეოგრაფიის მასწავლებელი ი. ბუზიაშვილი გაკვეთილს მოუმზადებლად ატარებს, უშვებს შეცდომებს. მოსწავლეებს არ გააჩნიათ გაკვეთილის გადმოცემის, რუკის კითხვისა და რუკაზე სწორად ორიენტირების უნარი. დაბალი მომზადება გამოამყლავნეს გეოგრაფიაში გომის საშუალო სკოლის მოსწავლეებმა (მასწავლებელი თ. ხაჩიძე). ხაშურისა და ქარელის რაიონების სკოლებს არ აქვთ კონტურული რუკები, სკოლებში არაა მოწყობილი გეოგრაფიის მოედნები და არ სრულდება პროგრამით გათვალისწინებული პროდუქტიული სამუშაოები.

დაბალხარისხოვან გაკვეთილებს ატარებენ ისტორიაში ქვიშხეთის, რუისის ხაშურის II, აგარის საშუალო სკოლების მასწავლებლები პ. ტყემალაძე, ი. ნასყიდაშვილი, ნ. გოგოლაძე და მ. მესხი.

სუსტად მუშაობს ქვიშხეთის საშუალო სკოლის ინგლისური ენის მასწავლებელი თ. თარგამაძე (დამთავრებული აქვს ა. პუშკინის სახელობის სამასწ. ინსტიტუტის უცხო ენების ფაკულტეტი). მოსწავლეთა ცოდნა ძალზე დაბალია, არ იციან კითხვა, ვერ ერკვევიან მარტივ გრამატიკულ მოვლენებში. თვით მასწავლებელი უშვებს უხეშ შეცდომებს გამოთქმებში, არა ჰყავს კლასი ჩაბმული მუშაობაში, არ იყენებს დაფას, გამოკითხვისას კმაყოფილდება მხოლოდ კითხვითა და თარგმნით, საკონტროლო წერით ნამუშევრებს ყურადღებით არ ასწორებს.

სუსტად არის დაყენებული ბიოლოგიის და სოფლის მეურნეობის პრაქტიკუმის სწავლების საქმე ქარელის რაიონის რუისის საშუალო სკოლაში (მასწავლებელი რ. გურასპაშვილი). სკოლას აქვს ბიოლოგიის კაბინეტი და სასწავლო-საცდელი ნაკვეთი, მასწავლებელი

საკმაოდ არ არის დაუფლებული საგანს, არ ატარებს პრაქტიკულ სამუშაოებს და პროგრამით გათვალისწინებულ ცდა-დაკვირვებებს. ასევე ცუდად ატარებს იგი სოფლის მეურნეობის პრაქტიკულ კვებითებს. სკოლას არ გააჩნია სასოფლო-სამეურნეო ინვენტარი და აღნიშნული საგნების სწავლება ზეპირსიტყვიერად მიმდინარეობს.

ასევე არადამაკმაყოფილებლად არის დეყენებული ბიოლოგიისა და ნაკვეთზე პრაქტიკული მეცადინეობის სწავლების საქმე დირბის საშუალო სკოლაში (მასწავლებელი ბ. კალმახელიძე).

აგარის საშუალო სკოლის რუსული სექტორის მანქანათმცოდნეობის პრაქტიკუმის მასწავლებელი ქს. დოგუზოვა არ არის დაუფლებული საგანს, არ იცნობს სასწავლო პროგრამას, ვერ ახერხებს გაკვეთილის ახსნას. მანქანათმცოდნეობის პრაქტიკუმი აღის საშუალო სკოლაში (მასწ. ქ. ნოზაძე) ისწავლება ზეპირსიტყვიერად, თვალსაჩინოების გარეშე. სკოლამ გომის მტს-დან მიიღო ტრაქტორი, მაგრამ იგი სწავლების პროცესში არ არის გამოყენებული.

ზოგიერთ სკოლაში შესაბამისი მატერიალური ბაზის უქონლობის გამო შეუძლებელი ხდება ელექტროტექნიკის პრაქტიკუმის ჩატარება.

ძალზე დაბალ დონეზეა დაყენებული სასწავლო სახელოსნოში პრაქტიკული მუშაობა ქარელის საშუალო სკოლაში (მასწავლებელი მ. გონგლიაშვილი). სახელოსნო მოუწყობელი და ღარიბია, ხელსაწყო-იარაღები ვერ უზრუნველყოფს ერთი ქვეკლასის მეცადინეობასაც კი. სახელოსნო არ არის უზრუნველყოფილი სამუშაო მასალებით. მასწავლებელი არ ადგენს გაკვეთილის გეგმას არ აძლევს ესკიზის ელემენტებს.

სახელოსნოში არ არის დაცული უსაფრთხოების ტექნიკა და სანიტარულ-ჰიგიენური პირობები.

შემოწმებული სკოლებიდან სრულებით არა აქვთ სასწავლო სახელოსნოები დირბის (დირექტორი დ. გიკაშვილი), ბრეთის (დირექტორი ი. ბაბლაძე) და გომის (დირექტორი გ. ნოზაძე) საშუალო სკოლებს.

დაბალია მოსწავლეთა აკადემიური მოსწრება. მეორე მეოთხედის ბოლოს ქარელის სკოლების 8571 მოსწავლიდან ასწრებდა 6290 (75%), ხაშურის რაიონის სკოლების 8310 მოსწავლიდან — 6337 (77%). უფრო ცუდი მდგომარეობაა ქარელის რაიონის ცალ-

კეულ სკოლებსა და კლასებში. მოზისის საშუალო სკოლაში 275 მოსწავლიდან ასწრებს 203 (70,7%), რუისის საშუალო სკოლაში 531-დან — 371 (71,3%), ქარელის საშუალო სკოლის VI კლასში შეფასებულ 35 მოსწავლიდან ვერ ასწრებს 18, VIII კლასში 36 მოსწავლიდან — 17.

ცუდად არის დაყენებული მეორეწლიან მოსწავლეებთან მუშაობა. II მეოთხედის შედეგად ქარელის რაიონის შემოწმებული ექვსი სკოლიდან ვერ ასწრებს 91 მეორეწლიანი მოსწავლე, ხაშურის რაიონის 7 სკოლიდან 85. რიგ სკოლებში არ ექცევა სათანადო ყურადღება მოსწავლეთა ცოდნის მიმდინარე შემოწმებას.

არადამაკმაყოფილებლად არის დაყენებული კომკავშირული და პიონერული ორგანიზაციების მუშაობა. ქარელის საშუალო სკოლაში ვერ ასწრებს 70 კომკავშირელი, 51 პიონერი, რუისის საშუალო სკოლაში—19 კომკავშირელი, 40 პიონერი, ხაშურის პირველ საშუალო სკოლაში—17 კომკავშირელი, 62 პიონერი. აგარის საშუალო სკოლის დირექტორ მ. ზამთარაძეს კომკავშირელ და პიონერ მოსწავლეთა წარმატების შესახებ ცნობებიც კი არა აქვს.

არადამაკმაყოფილებლად ხელმძღვანელობს სკოლებს ქარელის რაიონის განათლების განყოფილება (გამგე ბ. დაბრუნდაშვილი). რაიონში არსებული 11 საშუალო, 19 შვიდწლიანი და 52 დაწყებითი სკოლიდან მწველს შესწავლილია მხოლოდ 3 საშუალო და 2 შვიდწლიანი სკოლის მუშაობა. შედარებით უკეთესი მდგომარეობაა ხაშურის რაიონში. განათლების განყოფილებას (გამგე კ. მესხი) მსასწავლო წელს შესწავლილი აქვს 9 საშუალო, 4 შვიდწლიანი და 22 დაწყებითი სკოლის მუშაობა. ბრძანებები სკოლების მუშაობის გამოკვლევის შედეგებზე მიღებული აქვს რაიონის ყველა სკოლას.

ქარელისა და ხაშურის რაიონების განათლების განყოფილებები და სკოლები სათანადოდ არ ხელმძღვანელობენ საყოველთაო სავალდებულო სწავლების გატარების საქმეს, არსებითად არ სწავლობენ მოსწავლეთა სკოლიდან გასვლის მიზეზებს და არ ღებულობენ ეფექტურ ზომებს განთესვის თავიდან ასაცილებლად, სკოლიდან გასული მოსწავლეების სწავლებაში ჩასაბმელად. ქარელის რაიონის სკოლებში სახალხო მეურნეობის გეგმით წელს უნდა იყოს 9377 ბავშვი. ფაქტიურად კი რაიონის სკოლებში 8848 მოსწავლეა (გეგმის შესრულებას აკლია 529). ხაშურის რაიონის სკოლებში 8704 ბავშვის ნაცვლად სწავლებაში ჩაბმულია 8375 ანუ 329 ბავშვით ნაკლები.

პედაგოგიურად და მეთოდურად გაუმართლებლად არის შედეგ-
ნილი გაკვეთილების ცხრილი ხაშურის II (დირექტორი დ. კაკიაშ-
ვილი), აღის (დირექტორი ა. ნოზაძე), ღირბის (დირექტორი ვ. ჯაფარი-
კაშვილი), რუისის (დირექტორი გ. კაველაშვილი) საშუალო სკო-
ლებში. აღნიშნულ სკოლებში აგრეთვე არადამაკმაყოფილებლად
არის დაყენებული პედაგოგიური საბჭოს მუშაობა. პირველი და მე-
ორე მეოთხედების ბოლოს პედაგოგიური საბჭოს სხდომებზე ზერე-
ლედ არის განხილული მეოთხედის შედეგები, არ არის გაკეთებული
სასწავლო-აღმზრდელობით მუშაობაში არსებულ ნაკლოვანებათა
ორმა ანალიზი.

სუსტად არის დაყენებული შინასასკოლო ხელმძღვანელობა და
კონტროლი მასწავლებელთა მუშაობაზე. მ/სასწავლო წელს მოსმე-
ნილი აქვთ გაკვეთილები: ქარელის საშუალო სკოლის სასწავლო ნა-
წილის გამგეებს მ. კალანდაძეს — 23, ა. კირკიტაძეს — 17, რუისის
საშუალო სკოლის დირექტორ გ. კაველაშვილს — 25, სასწავლო
ნაწილის გამგე ი. მულალაშვილს — 29, ღირბის საშუალო სკოლის
დირექტორ გიკაშვილს — 41, სასწავლო ნაწილის გამგე ლ. მურა-
ჩაშვილს — 49. გარდა იმისა, რომ სკოლების დასახელებული ხელმ-
ძღვანელები მეტად იშვიათად ესწრებიან მასწავლებელთა გაკვეთი-
ლებს, ისინი სათანადო ანალიზს არ უკეთებენ მოსმენილ გაკვეთი-
ლებს და საჭირო მითითებებს არ აძლევენ მასწავლებლებს. ზოგჯერ
სკოლის დირექტორი და სასწავლო ნაწილს გამგე ერთი და იგივე
სპეციალობისაა. მაგ., რუისისა და მოხისის საშუალო სკოლების დი-
რექტორები და სასწ. ნაწილის გამგეები გეოგრაფები არიან, ხოლო
ქვიშხეთის საშუალო სკოლის დირექტორი და სასწ. ნაწილის გამ-
გე — ქართული ლიტერატურის სპეციალისტები.

გ ბ რ ძ ა ნ ე ბ:

1. ხაშურის და ქარელის რაიონების განათლების განყოფილებათა
გამგებმა (კ. მესხი და ბ. დაბრუნდაშვილი):

ა) მტკიცე კონტროლი დააწესონ საყოველთაო-სავალდებულო
სწავლების კანონის განუხრელად გატარებაზე, ზუსტად აღრიცხონ
სასკოლო ქსელში ჩასაბმელ მოსწავლეთა რაოდენობა, მიიღონ გადა-
მჭრელი ზომები ახალი სასწავლო წლიდან სწავლებაში მათ ჩასაბმე-
ლად და არ დაუშვან სკოლიდან მოსწავლეთა უმიზეზოდ გასვლის
შემთხვევები;

ბ) გააუმჯობესონ სკოლების სასწავლო-აღმზრდელობითი მიწებისა და ხელმძღვანელობა და კონტროლი, სისტემატურად აწარმოონ სკოლების მუშაობის შესწავლა, დროულად დაამუშაონ შედეგების მასალები, დასახული პრაქტიკული ღონისძიებანი დაიყვანონ სკოლებამდე და უზრუნველყონ მათი განხორციელება;

გ) აამაღლონ სკოლების ხელმძღვანელთა პასუხისმგებლობა პოლიტექნიკური სწავლებისათვის საჭირო მატერიალური ბაზის შექმნის და მოსწავლეთა მიერ პროგრამული მასალის მაღალხარისხოვნად ათვისების საქმეში;

დ) გააძლიერონ საშეფო ორგანიზაციების და სკოლების ურთიერთ კავშირი სასწავლო სახელოსნოების, ნორჩ ნატურალისტთა და ნორჩ ტექნიკოსთა წრეების მუშაობის გაუმჯობესების უზრუნველსაყოფად.

2. სკოლის დირექტორებმა:

ა) გააძლიერონ კონტროლი და ხელმძღვანელობა მასწავლებელთა მუშაობაზე, სისტემატურად მოისმინონ მასწავლებელთა გაკვეთილები და მიიღწიონ მასწავლებელთა პედაგოგიური დახელოვნების სრულყოფას და სწავლების მაღალ დონეზე დაყენებას;

ბ) ცალკე სასწავლო დისციპლინების მასწავლებელთა მუშაობა იმგვარად წარმართონ, რომ თითოეული მასწავლებელი საფუძვლიანად ემზადებოდეს ყოველი გაკვეთილისათვის; უზრუნველყოფილი იქნას პროგრამით გათვალისწინებული ცდებისა და ლაბორატორიული მუშაობის ჩატარება. ფართოდ დანერგონ მოსწავლეებში ხელსაწყოების თვითყვებების საქმე და ხელი შეუწყონ ამ ხელსაწყოების პრაქტიკულად გამოყენებას ლაბორატორულ მუშაობაში;

გ) სისტემატური დახმარება აღმოუჩინონ მეორეწლიან და აკადემიურად ჩამორჩენილ მოსწავლეებს, უზრუნველყონ მათი მომზადების დონის ამაღლება.

3. ქარელის და ხაშურის რაიონების განათლების განყოფილებათა გამგეებმა (ბ. დაბრუნდაშვილი, კ. მესხი) მკაცრი სასჯელი დაადონ ამ ბრძანებაში აღნიშნულ სუსტად მომუშავე მასწავლებლებს და სკოლის ხელმძღვანელობას, მტკიცე კონტროლი დააწესონ მათ მუშაობაზე და თუ ისინი არსებითად არ გააუმჯობესებენ მუშაობას სას-

წავლრ წლის ბოლოს, სათანადო წესის დაცვით დააყენონ საკითხი მათი სამუშაოდან განთავისუფლების შესახებ.



4. სკოლების სამმართველომ (გ. საყვარელიძე) ქარელის რაიონის სკოლებისა და რაიონის განათლების განყოფილებისათვის პრაქტიკული დახმარების გასაწევად ხანგრძლივად მიავლინოს ორი გამოცდილი მუშაკი.

5. ქარელის რაიონის განათლების განყოფილების გამგეს ბ. დაბრუნდაშვილს სკოლებისადმი არადამაკმაყოფილებელი ხელმძღვანელობისათვის მიეთითოს.

ს ა დ ე ჯ ე ლ ი: საქართველოს სსრ განათლების სამინისტროს კომისიის 1957 წლის 8 თებერვლის დადგენილება.

საქართველოს სსრ განათლების
მ ი ნ ი ს ტ რ ი გ. ჭიბლაძე

ბ რ ძ ე ნ ე ბ ა № 373/3

საქართველოს სსრ განათლების სამინისტროსადმი

1957 წლის 16 თებერვალი

მასწავლებელთა დახელოვნების ინსტიტუტის საკურსო
ღონისძიებათა 1956 წლის შედეგებისა და 1957 წლის
გეგმის დამტკიცების შესახებ.

გავეცანი რა საქართველოს სსრ განათლების სამინისტროს მასწავლებელთა დახელოვნების ინსტიტუტის მიერ 1956 წელს მოწყობილ დახელოვნების კურსების მუშაობის შედეგებს, აღვნიშნავ, რომ გასულ წელს ინსტიტუტმა წარმატებით ჩაატარა განათლების მუშაკთა (მასწავლებლების, სკოლის დირექტორების, სასწავლო ნაწილის გამგეთა, სასკოლო ინსპექტორების და სხვ.) დახელოვნების კურსება და საგრძნობლად ამაღლდა მათი მუშაობის ხარისხი. ინსტიტუტმა გადაჭარბებით შეასრულა დახელოვნების კურსების მსმენელთა კონტინგენტის 1956 წლის გეგმა (დახელოვნების კურსები გაიარა 5169 მუშაკმა, ნაცვლად გეგმით გათვალისწინებულ 5.000-სა).

ინსტიტუტმა სკოლის წინაშე სკკპ XX ყრილობის მიერ დაყენებული ახალი ამოცანების შესაბამისად გადაამუშავა დახელოვნების კურსების სასწავლო გეგმები და პროგრამები, საჭირო ინსტრუქციები და მეთოდური მითითებანი, გააუმჯობესა ლექტორთა შემადგენლობა, შეიძინა სასწავლო ხელსაწყო-იარაღები, დიდაქტიკური მასალები, დროულად აცნობა განათლების განყოფილებებს კურსების სახეები, მუშაობის დრო, ადგილი და კონტინგენტი.

გასულ წელს დახელოვნების კურსების მუშაობის სისტემაში ინსტიტუტმა მეტი ადგილი დაუთმო მსმენელთა დამოუკიდებელ პრაქტიკულ მეცადინეობას, საგნობრივი და მეთოდური პრობლემების დამუშავებაში მსმენელთა აქტიური მონაწილეობისა და მოწინავე პედაგოგიური გამოცდილების გავრცელება-დანერგვას. განსაკუთ-

რებით ქმედითი დახმარება გაუწია სკოლის მასწავლებლებს პოლიტექნიკური ციკლის დისციპლინების (ხელგარჯილობის, შრომისა და პრაქტიკული მეცადინეობის, სოფლის მეურნეობის, მანქანათმშენებლობისა და ელექტროტექნიკის პრაქტიკუმების) სწავლების ხარისხის ამაღლების საქმეში. პოლიტექნიკური სწავლების ციკლის დისციპლინებში გვევლინება გათვალისწინებული 1050 მასწავლებლას ნაცვლად კურსებზე გადამზადდა 1288 მასწავლებელი.

ინსტიტუტმა მეტი ყურადღება მიაქცია საქართველოს სს რესპუბლიკის ტერიტორიაზე არსებული არაქართული სკოლების მასწავლებელთა პედაგოგიური დახელოვნების საქმეს. კურსებზე გადამზადებულ იქნა რუსული სკოლების 622, სომხური სკოლების 76, აზერბაიჯანული სკოლების 116, აფხაზური სკოლების 32 და ოსური სკოლების 108 მასწავლებელი.

აღსანიშნავია, რომ ინსტიტუტმა გასულ წელს პირველად მოაწყო სოფლისა და მუშა-ახალგაზრდობის სკოლების დირექტორებისა და მასწავლებლების დახელოვნების სპეციალური კურსები.

ინსტიტუტმა ისტორიისა და ლიტერატურის მასწავლებლებისათვის რესპუბლიკის 19 ქალაქსა და რაიონში მოაწყო სარაიონთაშორისო ორდღიანი მეთოდსემინარები, რომელსაც დაესწრო 5.600 მასწავლებელი.

აჭარისა და აფხაზეთის ასსრ განათლების სამინისტროებმა, სამხრეთ ოსეთის ავტონომიური ოლქის, აბაშის, ბორჯომის, გორის, ზუგდიდის, მარნეულის, საგარეჯოს, თეთრიწყაროს, ხაშურის და სხვა რაიონების განათლების განყოფილებებმა საგრძნობლად გააძლიერეს ზრუნვა სკოლის მუშაკთა პედაგოგიური კვალიფიკაციის ამაღლებისათვის და უზრუნველყვეს კურსების მსმენელთა კონტინგენტის სწორად შერჩევა და კურსებზე მათი დროულად მივლინება.

საკურსო ღონისძიებათა ჩატარების საქმეში ადგილი ჰქონდა ნაკლოვანებებსაც:

ინსტიტუტის მიერ კურსების მსმენელთა კონტინგენტის საერთო გვეგმის გადაჭარბებით შესრულების მიუხედავად, ქალაქების — თბილისისა და გორის, აგრეთვე ახალქალაქის, ახალციხის, ბოგდანოვკის, ბოლნისის, ყაზბეგის, დუშეთის, წალკის, ვანის, მახარაძის, მესტიის, ჩოხატაურის და სხვა რაიონების განათლების განყოფილებებმა ვერ უზრუნველყვეს მათზე მიცემული კურსების მსმენელთა კონტინგენტის გვეგმის შესრულება და არ მიიღეს საჭირო ზომები

იმ მუშაკთა მიმართ, რომლებმაც თავი აარიდეს კურსებზე წასვლას. ადგილი ჰქონდა კურსებზე გასაგზავნი მუშაკების არასწორად ვერ ჩევისა და კურსებზე დაგვიანებით მივლინება-გამოცდების შემთხვევებს.

ჯერ კიდევ არაღამაკმაყოფილებელია კურსების მსმენელთა მონაწილეობა საგნობრივი და მეთოდური პრობლემების დამუშავებაში, კურსებისათვის განკუთვნილ სასწავლო გეგმებში არასაკმაო დრო აქვს დათმობილი მოწინავე პედაგოგიური გამოცდილების გავრცელება-დანერგვას. სასწავლო გეგმებში არ იყო გათვალისწინებული საჭირო დრო კურსების მსმენელთა ცოდნის შემოწმება-შეფასებისათვის.

ზოგიერთი მსმენელი საჭირო მონდომებით არ მუშაობდა კურსებზე, რას გამოც დახელოვნების კურსები ვერ დაამთავრა 96 მსმენელმა.

დახელოვნების ზოგიერთი კურსები სათანადოდ არ იყო უზრუნველყოფილი საჭირო ინვენტარათა და კომუნალური მომსახურებით, მეთოდური და პერიოდული ლიტერატურით, ხელსაწყო-იარაღებითა და მასალებით. ზოგიერთ კურსებზე სათანადოდ არ იყო მოგვარებული მსმენელთა კვების საკითხი.

სერიოზულ ნაკლოვანებად უნდა ჩაითვალოს ის გარემოება, რომ დახელოვნების ინსტიტუტმა დღემდე ვერ მოაწყო მუდმივი პედაგოგიური გამოფენა და ვერ შესძლო პოლიტექნიკური სწავლების მეთოდკაბინეტის სასწავლო სახელოსნოების მოწყობის დამთავრება.

მასწავლებელთა და სახალხო განათლების სხვა მუშაკთა დახელოვნების კურსების მუშაობის შემდგომი გაუმჯობესების მიზნით

ვ ბ რ ძ ა ნ ე ბ ე:

1. დაევალოს საქართველოს სსრ განათლების სამინისტროს მასწავლებელთა დახელოვნების ინსტიტუტის დირექტორს ამხ. გ. ასპინძელაშვილს:

ა) 1957 წლის განმავლობაში დახელოვნების დიფერენცირებული (ორკვირიანი, ერთთვიანი, თვენახევრიანი) კურსების საშუალებით უზრუნველჰყოს 4.000 მასწავლებლისა და განათლების სხვა მუშაკთა კვალიფიკაციის ამაღლება თანდართული განრიგის მიხედვით (დანართი № 1, № 2, № 3, № 4);

ბ) საბჭოთა კავშირის კომუნისტური პარტიის XX ყრილობის

მიერ სკოლის წინაშე დაყენებული ამოცანებისა და სკოლის სასწავლო გეგმებისა და პროგრამების შესაბამისად გადაამუშაო დახელოვნებას კურსების სასწავლო გეგმები, პროგრამები ულად წარმოუდგინოს საქართველოს სსრ განათლების სამინისტროს დასამტკიცებლად;

გ) საკურსო ღონისძიებათა ჩატარებისას განსაკუთრებული ყურადღება მიაქციოს სკოლაში მეცნიერებათა საფუძვლების (ქართული ენისა და ლიტერატურის, რუსული ენისა და ლიტერატურის, ისტორიის, ფიზიკის, მათემატიკის, ბიოლოგიის, ქიმიისა და უცხო ენების) სწავლების მეთოდის საკითხებს, იზრუნოს იმისათვის, რომ დახელოვნების კურსებმა კმედიითი დახმარება გაუწიოს სკოლას მუშაკებს სწავლების ხარისხის ამაღლებისა და მოზარდი თაობის პრაქტიკული საქმიანობისათვის მომზადების საქმეში;

დ) მიიღოს საჭირო ზომები ინსტიტუტის პოლიტექნიკური სწავლების მეთოდკაბინეტის ხეზე და ლითონზე მუშაობის სახელოსნოების, მანქანათმშენებლობისა და ელექტროტექნიკის ლაბორატორიების მოწყობის დროულად დასამთავრებლად, განსაკუთრებული ყურადღება მიაქციოს პოლიტექნიკური ციკლის დისციპლინების (ხელგარჯილობის, შრომისა და პრაქტიკული მეცადინეობის, მანქანათმშენებლობის, ელექტროტექნიკისა და სოფლის მეურნეობის პრაქტიკუმების) მასწავლებელთა დახელოვნების კურსების მუშაობას;

მასწავლებელთა დახელოვნების კურსების პროფესორ-მასწავლებელთა შემადგენლობის შემდგომი გაუმჯობესებისა და ლექციების ხარისხის ასაამაღლებლად, მეტი ყურადღება მიაქციოს პრაქტიკული მეცადინეობისა და სემინარული მუშაობის ჩატარებას, კურსების მსმენელთა პრაქტიკული მუშაობა-გამოცდილების საფუძველზე მოწინავე პედაგოგიური გამოცდილების გავრცელება — დანერგვას და სასწავლო-მეთოდური ხასიათის ექსკურსიების მოწყობას;

ე) გაატაროს საჭირო ღონისძიებანი დახელოვნების კურსების ყველა მსმენელის საცხოვრებელი ბინებით, სამეცადინო ოთახებით, სასწავლო ხელსაწყო-იარაღებით, დიდაქტიკური მასალებით უზრუნველყოფისა და მსმენელთა კვების საკითხის გაუმჯობესებისათვის;

ვ) დროულად აცნობოს აფხაზეთისა და აჭარის ასსრ განათლების სამინისტროებს, სამხრეთ ოსეთის ავტონომიური ოლქის, ქალაქები-

სა და რაიონების განათლების განყოფილებებს 1957 წელს მოსაწყობი კურსების სახეები, დრო, ადგილი და კურსებზე მათ მიხედვით მისაღწეველი კონტინგენტი;

ზ) დახელოვნების კურსებზე საგნის არმცოდნე, სოციალური მისაღწეველი კონტინგენტი; ეროვნული
საბჭოების

თ) ქმედითი დახმარება და ხელმძღვანელობა გაუწიოს ქუთაისის ფილიალს საკურსო ღონისძიებათა მაღალხარისხოვნად ჩატარების საქმეში.

2 აფხაზეთისა და აჭარის ასსრ განათლების სამინისტროებმა, სამხრეთ ოსეთის ავტონომიური ოლქის, ქალაქებისა და რაიონების განათლების განყოფილებებმა:

ა) გაატარონ ქმედითი ღონისძიებანი სკოლის მუშაკთა პედაგოგიურ-მეთოდოლოგიური კვალიფიკაციის ამაღლებისათვის, პასუხისმგებლობით მოეციონ საკურსო ღონისძიებათა 1957 წლის გეგმის შესრულებას, გულდასმით შეარჩიონ კურსებზე მისაღწეველი სახალხო განათლების მუშაკები, 2 — 3 თვით ადრე აცნობონ მათ კურსებზე გაგზავნის შესახებ, უზრუნველყონ მათი დროულად და უკლებლივ გამოცხადება დახელოვნების კურსებზე, ამასთან მკაცრი ზომები მიიღონ იმ მუშაკთა მიმართ, რომლებიც თავს აარიდებენ კურსებზე წასვლას, და ამით დახმარება გაუწიონ მასწავლებელთა დახელოვნების ინსტიტუტს კურსების მუშაობის ნაყოფიერად წარმართვის საქმეში;

ბ) დახელოვნების კურსებზე არ გაგზავნონ ჩვილბავშვიანი, დაუსწრებელ სწავლებაში ჩაბმული, ავადმყოფი, მოხუცებული, სამუშაოდან გასათავისუფლებლად გათვალისწინებული და ის მუშაკები, რომელთაც უკანასკნელი 4 წლის განმავლობაში გავლილი აქვთ დახელოვნების შესაბამისი სახის კურსები;

გ) დახელოვნების კურსების მუშაობის დაწყებიდან ორი დღის განმავლობაში შეამოწმონ მათ მიერ კურსებზე გაგზავნილი მსმენელების გამოცხადება, მკაცრი სასჯელი დაადონ იმ მუშაკებს, რომლებმაც თავი აარიდეს კურსებზე გამოცხადებას, ხოლო საჭიროების შემთხვევაში საქართველოს ასსრ განათლების სამინისტროს წარმომადგენელთა წინადადებაზე პედაგოგიური სამუშაოდან მათი განთავისუფლების შესახებ;

დ) საჭირო დახმარება გაუწიონ მასწავლებელთა დახელოვნების ინსტიტუტს და მის ფილიალს მათ ტერიტორიაზე მოწყობილი დახელოვნების კურსების მსმენელების საცხოვრებელი ბინებით, ^{საქართველო} დინო ოთახებითა და საჭირო ინვენტარით უზრუნველყოფის ^{საქართველო} საჭიროებას.

3. მუშაობიდან მოწყვეტით მოწყობილ დახელოვნების კურსებზე გაგზავნილი მასწავლებლის ნაცვლად განათლების განყოფილებამ დანიშნოს (დროებით) შემცვლელი მასწავლებელი და აუნაზღაუროს მას გადაცემული გაკვეთილების საფასური. იმ შემთხვევაში, როდესაც შეუძლებელი ხდება იმავე საგანში შემცვლელი მასწავლებლის გამოიწვევა, კურსებზე მყოფი მასწავლებლის გაკვეთილები უნდა გადაეცეს სხვა მასწავლებელს (ან მასწავლებლებს) თავიანთ საგანში (ან საგნებში) გამოსაყენებლად. კურსებიდან დაბრუნებულმა მასწავლებელმა უნდა ჩაატაროს თავისი გაკვეთილებიც, წინათვის საათებიც და ხელფასი აუნაზღაურდეს ორმაგად.

4. დაევალოს საქართველოს სსრ განათლების სამინისტროს საგეგმო-საფინანსო სამმართველოს დროულად დააფინანსოს მასწავლებელთა დახელოვნების ინსტიტუტი და მისი ფილიალი ამ ბრძანებით დაგეგმილი კურსებისათვის საჭირო თანხებით.

5. დაევალოს საქართველოს სსრ განათლების სამინისტროს მონარაგებისა და დამხმარე წარმოებათა განყოფილებას მიმდინარე წლის 1 მაისამდე გამოუყოს მასწავლებელთა დახელოვნების ინსტიტუტს და ინსტიტუტის ფილიალს კურსებისათვის საჭირო ინვენტარი და მასალები.

6. გაზეთ „სახალხო განათლებისა“ და ჟურნალ „კომუნისტური აღზრდისათვის“ რედაქციებმა პერიოდულად გამოაქვეყნონ მასალები მასწავლებელთა და განათლების სხვა მუშაკთა დახელოვნების კურსების მუშაობის შესახებ.

7. აღნიშნული ბრძანება განხილულ იქნეს განათლების განყოფილებების სახალხო განათლების საბჭოს სხდომებსა და სკოლის დირექტორების თათბირებზე.

8. საქართველოს სსრ განათლების სამინისტროს კადრების განყოფილებამ დააწესოს კონტროლი ამ ბრძანების შესრულებაზე.

ს ა ფ უ ძ ვ ე ლ ი: საქართველოს სსრ განათლების სამინისტროს კოლეგიის 1957 წლის 8 თებერვლის დადგენილება.

საქართველოს სსრ განათლების

მ ი ნ ი ს ტ რ ი

გ. ჯიბლაძე

საქართველოს სსრ სკოლების მასწავლებელთა
დახელოვნების კურსების მოწყობის გეგმა 1957 წლის
განმავლობაში
(მუშაობიდან მოუწყვეტლევ)



კურსებას დასახელება	ჯგ. რაოდ.	მს.ენ. კოე-ტინ.	მუშაობის დრო	მუშაობის ადგილი
1. დაწყებითი კლასების მასწავლებელთა ხელგარჯილობაში დახელოვნების	1	30	II-IV	თბილისი
" "	1	30	II-IV	ბათუმი
2. შეიღწლიანი და საშ. სკ. ქართული ენისა და ლიტერ. მასწავლებელთა . . .	1	30	II-V	გორი
" "	1	30	I-IV	ქუთაისი
3. შეიღწლიანი და საშ. სკ. მათემატიკის მასწავლებელთა	1	30	II-IV	ბათუმი
" "	1	30	II-V	ქუთაისი
4. ქართული სკ. დაწყებითი კლასების მასწავლებელთა	1	30	II-V	გორი
" "	1	30	II-V	ბორჯომი
" "	1	30	II-V	ბათუმი
5. სკოლა-ინტერნატების აღმზრდელთა	1	30	IX-XII	ზეთანია
სულ . . .	10	300		

საქართველოს სსრ სკოლების მასწავლებელთა და სახალხო განათლების სხვა მუშაკთა დახელოვნების კურსების მოწყობის გეგმა 1957 წლის განმავლობაში (მუშაობიდან მოწყვეტით)

კურსებას დასახელება	ჯგ. რაოდ.	მსმენ. კონტ.	მუშაობის დრო	მუშაობის ადგილი
1. დაწყ. კლ. მასწ. ხელგარჯილობაში დახელოვნების	1	30	II	თბილისი
" "	2	60	II	ქუთაისი
2. მუშა ახალგაზრდობის სკოლების სასწ. ნაწალის გამგეების	1	30	II	თბილისი
3. მუშა ახალგაზრდობის სკოლების მათემატიკის მასწ-თა	1	30	III	თბილისი
4. სოფლის ახალგაზრდობის სკოლების ქართული ენისა და ლიტერატურის მასწავლებელთა	1	30	V	თბილისი
5. სასწ. საცდელ ნაკვეთზე პრაქტ. მეც. და სოფლის მეურნ. პრაქტ. მასწავლებელთა	1	30	III—IV	"
" "	2	60	III—IV	ქუთაისი
6. შრომის მასწავლებელთა	2	60	IV—V	თბილისი
" "	2	60	IV—V	ქუთაისი
7. შეიდწლიანი და საშ. სკ. სასწ. ნაწილის გამგეების	2	60	III	თბილისი
" "	2	60	III	ქუთაისი
8. არაქართული სკოლების ქიმიის მასწავლებელთა	1	30	IV	თბილისი
9. პედაგოგიკის გამგეების	1	30	IV	"
10. სასკოლო ინსპექტორების	1	30	IV	"

კურსების დასახელება	ჯგ. რაოდ.	მსმენ. კონტ.	მუშაობის დრო	მუშაობის ადგილი
11. საბავშვო ბალების გამგეების	1	30	IV	ერყენული ნიკელიყენი ქუთაისი
" "	1	30	IV	თბილისი
12. სასკოლო ინტერნატებისა და სა- ბავშვო სახლის აღმზრდელების	1	30	V	"
13. სალაგშვო ბაღის აღმზრდელები	1	30	V	თბილისი
" "	2	60	V	ქუთაისი
14. ლოგოპედების	1	30	V	თბილისი
15. ჭიმიას და ფიზიკის ლაბორანტების	1	30	V	"
" "	1	30	IX	ქუთაისი
16. არაქართული სკოლების ბიოლო- გიის მასწავლებელთა	1	30	X	თბილისი
17. არაქართული სკ. ქართული ენისა და ლიტ. მასწავლებელთა	1	30	X	თბილისი
" "	1	30	XII	ქუთაისი
18. სასკოლო ბიბლიოთეკარების	1	30	IX	თბილისი
" "	2	60	IX	ქუთაისი
19. ფიზიკური აღზრდის მასწ-თა	2	60	XI	"
20. შვიდწლიანი და საშ. სკ. დირექ- ტორების	3	90	XI	თბილისი
" (რუსული ჯგ.)	1	30	XI	"
21. არაქართული სკ. ფიზიკის მასწავ- ლებელთა	1	30	XI	"
22. მანქანათმეცოდნეობისა და ელექ- ტროტექნიკის პრაქტიკ. მასწავლებელთა (რუსულა ჯგ.)	1	30	XI-XII	"
" (ქართ. ჯგ.)	1	30	XI-XII	"
" "	2	60	XI-XII	ქუთაისი
23. კინოდემონსტრატორების	1	30	XII	თბილისი
სულ	47	1410		

საქართველოს სსრ სკოლების დაწყებითი კლასების
 მასწავლებელთა დახელოვნების კურსების მოწყობის **ეროვნული**
 გეგმა 1957 წლის ზაფხულის პერიოდში **შეზღუდული**



კურსებას დასახელება	ჯგ. რაოდ.	მსმენ. კონტ.	მუშაობის დრო	მუშაობის ადგილი
1. ქართული სკ. დაწყ. კლ. მასწ-თა	1	30	VI	ბორჯომი
" " "	4	120	"	თელავი
" " "	4	120	"	ჭუთაისი
2. რუსული სკ. დაწყ. კლ. მასწ-თა	2	60	"	თბილისი
3. არარუსული სკ. დაწყ. კლ. რუსუ- ლი ენის მასწავლებელთა	2	60	"	თბილისი
" " "	2	60	"	ჭუთაისი
4. აზერბაიჯანული სკ. დაწყ. კლასის მასწავლებელთა	1	30	"	ბოლნისი
5. სომხური	2	60	"	აწალქალაქი
6. ოსური	2	60	"	სტალინირი
7. ორ და მეტ კლ. ერთდროულად მო- მუშავე მასწავლებელთა	3	90	"	ბორჯომი
" " "	2	60	"	ჭუთაისი
სულ . . .	25	750		

საქართველოს სსრ შეიღწლიანი და საშუალო სკოლების
მასწავლებელთა დახელოვნების კურსების მოწყობის
გეგმა 1957 წლის ზაფხულის პერიოდში

საქართველოს
შინა საქმეების
მინისტროს

კურსებას დასახელება	ჯ. რაოდ.	მსმენ. კონტ.	მუშ.ობ. დრო	მუშაობის ადგილი
1. ქართული ენისა და ლიტ. მასწ.	4	120	VII	ბორჯომი
" "	4	120	"	წყალტუბო
2. რუსული სკ. რუსული ენისა და ლიტ. მასწავლებელთა	2	60	"	გუდაუთი
3. არარუსული სკ. რუსული ენისა და ლიტ. მასწავლებელთა	3	90	"	"
" "	3	90	"	წყალტუბო
4. სომხური ენისა და ლიტ. მასწ.	1	30	"	ახალქალაქი
5. აზერბაიჯანული ენისა და ლიტ. მასწავლებელთა	1	30	"	ბოლნისი
6. ოსური ენისა და ლიტ. მასწ.	1	30	"	სტალინირი
7. გერმანული ენის მასწ-თა	2	60	"	თბილისი
8. ინგლისური ენის მასწ-თა	1	30	"	"
9. ფრანგული ენის მასწ-თა	1	30	"	"
10. ისტორიის მასწავლებელთა	2	60	"	სურამი
" "	3	90	"	ქუთაისი
" (რუსული ჯგ.)	1	30	"	სურამი
11. გეოგრაფიის მასწავლებელთა	2	60	"	ბორჯომი
" "	2	60	"	ქუთაისი
12. მათემატიკის მასწავლებელთა	3	90	"	ბათუმი
" "	4	120	"	ქუთაისი

კურსების დასახელება	ჯგ. რაოდ.	მსმენ. კაიბ.	მუშაობ. დრო	მუშაობის ადგილი
მათემატიკის მასწავლებელთა (რუსული ჯგ.)	1	30	V	ეროვნული ზიზლინიძის ბათუმი
13. ფიზიკის მასწავლებელთა	2	60	"	თბილისი
" " " " " " " "	2	60	"	ქუთაისი
14. ბიოლოგიის მასწავლებელთა	2	60	"	თელავი
" " " " " " " "	2	60	"	ქუთაისი
15. ქიმიის მასწავლებელთა	2	60	VII	თბილისი
16. ხატვა-ხაზვის მასწავლებელთა	1	30	"	სურამი
17. სასწავლო საცდელ ნაკვეთზე პრაქტ. მეცადინეობისა და სოფლის მეურნეობის პრაქტიკუმის მასწავლებელთა	1	30	VI—VII	თბილისი
18. შრომის მასწავლებელთა	1	30	VI—VII	"
19. ფიზიკური აღზრდის მასწავ.	1	30	VI	"
" " " " " " (რუსული ჯგ.)	1	30	"	"
20. სამხედრო მომზადების მასწავლებელთა	1	30	VI	თბილისი
" " " " " " " "	1	30	VI	ქუთაისი
სულ	58	1740		

ბ რ ძ ე ნ ე ბ ე ო № 193

საქართველოს სსრ განათლების სამინისტროსადგი

1957 წლის 26 თებერვალი

ზუგდიდის, გორის, თეთრიწყაროსა და ჩოხატაურის რაიონების
სკოლების მუშაობის შემოწმების შედეგების შესახებ

გავეცანი რა საქართველოს სსრ სახელმწიფო კონტროლის სა-
მინისტროს მიერ წარმოდგენილ მასალებს ზუგდიდის, გორის,
თეთრიწყაროსა და ჩოხატაურის რაიონების სკოლების მუშაობის შე-
მოწმების შედეგების შესახებ ავლნიშნავ, რომ მიუხედავად ერთ-
გვარი წარმატებისა, დასახელებული რაიონების რიგი სკოლების
მუშაობაში ადგილი აქვს სერიოზულ ნაკლოვანებებს.

არადაამაკმაყოფილებლად ხორციელდება საყოველთაო სწავლება,
არ სრულდება მოსწავლეთა კონტინგენტის სახალხო-სამეურნეო
გეგმა. მიმდინარე სასწავლო წლის დასაწყისისათვის გეგმით გათვა-
ლისწინებული 7931 მოსწავლის ნაცვლად თეთრიწყაროს რაიონის
სკოლებში სწავლობს 7005 (88,3%), ჩოხატაურის რაიონების სკო-
ლებში — 6325-ის ნაცვლად 5845 (94,0%), ზუგდიდის რაიონის
სკოლებში — 16950-ის ნაცვლად 16222 (95,7%) და გორის რაიონის
სკოლებში — 13321-ის ნაცვლად 13124 (98,5%) მოსწავლე.

არასწორად არის აღრიცხული სკოლის ასაკის ბავშვები და მო-
ზარდები. ამ რაიონების სკოლების I კლასებში მიმდინარე სასწავ-
ლო წელს ჩაირიცხა გეგმით გათვალისწინებულ რაოდენობაზე 396-
ით, ხოლო გასულ სასწავლო წელს 784-ით მეტი ბავშვი.

არ სრულდება მოსწავლეთა კონტინგენტის გეგმა V—XI კლა-
სებში. მიმდინარე სასწავლო წლის დასაწყისისათვის შემოწმებული
რაიონების სკოლების V—VIII კლასებში სწავლობდა 924, ხოლო
IX—XI კლასებში 1233 მოსწავლით ნაკლები, მაშინ როცა ამ კლა-
სებში სასწავლო წლის დასასრულს არსებული მოსწავლეთა კონ-

ტინგენტი გეგმის შესრულების საფასურით რეალურ შესაძლებლობის
იძლეოდა.

სათანადო ყურადღება არ ექცევა IV, VII და VIII კლასების
რეზულთა მომდევნო კლასებში ჩაბმის გეგმის შესრულებას. ჩამოთ-
ვლილი რაიონების სკოლების IV კლასდამთავრებულ 3206 მოსწავ-
ლიდან V კლასში სწავლობს 3085; VII კლასდამთავრებულ 3954-დან
VIII კლასში 2955 და VIII კლასდამთავრებულ 3867-დან IX
კლასში—2855 მოსწავლე.

დასახელებული რაიონების 5073 მეორეწლიანი მოსწავლიდან
მიმდინარე სასწავლო წლის დასაწყისისათვის სკოლებში გამოცხად-
და მხოლოდ 4090 მოსწავლე. მეორეწლიან მოსწავლეებიდან ზუგ-
დიდის რაიონის სკოლებს ჩამოცილდა 409, გორის რაიონის სკო-
ლებს 196. ზოლო თეთრიწყაროსა და ჩოხატაურის რაიონების სკო-
ლებს 189 მოსწავლე თითოეულს, ეს მდგომარეობა სწორად არ არის
ასახული ამ რაიონების განათლების განყოფილებათა მიერ განათ-
ლების სამინისტროში წარმოდგენილ ოფიციალურ სტატისტიკურ
ცნობებში.

აღნიშნული რაიონების სკოლებიდან გასული წლის განმავლობა-
ში ოჯახური მდგომარეობის გამო, სკოლიდან საცხოვრებელი ბინის
სიშორის კლასისათვის შეუფერებელი ასაკისა და სხვა არასაპატიო
მიზეზით სკოლებს ჩამოცილდა 744 მოსწავლე. აქედან ზუგდიდის
რაიონის სკოლებს — 115, გორისას—230, თეთრიწყაროსას—340 და
ჩოხატაურისას —59 მოსწავლე.

მიმდინარე სასწავლო წლის I მეოთხედის განმავლობაში არა-
საპატიო მიზეზით ზუგდიდის რაიონის სკოლებიდან განითესა 104
მოსწავლე: შამგონის საშუალო სკოლიდან — 14, ორულას
საშუალო სკოლიდან—9, ინგირის ქართული შვიდწლიანი სკოლი-
დან — 7. ამავე მეოთხედში თეთრიწყაროს რაიონის 16 შემოწმებუ-
ლი სკოლიდან განითესა 84 მოსწავლე, ამთავან: ასურეთის საშუალო
სკოლიდან—15, მანგლისისა და კოდის საშუალო სკოლებიდან—
9—9. რიგი სკოლების დირექტორები მალავენ სკოლიდან მოსწავ-
ლეთა განთესვის ნამდვილ მიზეზს. ზუგდიდის რაიონის ორულის
საშუალო სკოლიდან IV კლასის მოსწავლეები ვ. პერტაია და გ.
ჯიჯონია დირექტორ ვ. ჯღამაიას მიერ წარმოდგენილი ცნობის მიხე-
დვით სკოლიდან გავიდნენ ავადმყოფობის გამო, სინამდვილეში კი
ისინი ავად არ ყოფილან და არასაპატიო მიზეზით განითესენ. თე-

თერიწყაროს რაიონის ერთის შვიდწლიანი სკოლის IV და V კლასის მოსწავლეებს ი. მენტეშაშვილსა და ს. ბაგრაშიანს დირექტორი ლ. ჯინჯიხაძე სხვა სკოლაში გადასულად თვლის. ამგვარად მათი ტყვეებული საბუთები კი სკოლას არ გააჩნია.

სკოლებისა და განათლების განყოფილებათა ხელმძღვანელები სათანადოდ არ იყენებენ ადგილობრივ შესაძლებლობებს სკოლების მატერიალური ბაზის გასაუმჯობესებლად. შემოწმებული რაიონების სკოლების ერთი ნაწილი მოთავსებულია შეუფერებელ შენობებში და არ არის უზრუნველყოფილი სათანადო ინვენტარით. გორის რაიონის არაშენდის დაწყებითი სკოლის შენობის ქვედა სართულში კერძო პირის საქონლის ბოსელია მოთავსებული. ამ სკოლას არ გააჩნია ეზო მოსწავლეთა დასასვენებლად. ამავე რაიონის ახალდაბის შვიდწლიანი სკოლა მოთავსებულია დაბალქვრიან ბნელ შენობაში და საკლასო ოთახებში არ ხერხდება ჰაერის გასუფთავება. ფხვენისის შვიდწლიანი სკოლა მოთავსებულია 2 პატარა შენობაში და ერთ მათგანს ხის იატაკიც არა აქვს დაგებული. ამ სოფელშია 1937 წელს დამწვარი სკოლის შენობა, რომლის აღდგენა არ მოითხოვს დიდ ხარჯებს. დასაყრდენი კედლის უქონლობა მდინარის ადიდებისას დანგრევის საფრთხეს უქმნის გორის რაიონის ფლავის შვიდწლიან სკოლას. თეთრიწყაროს რაიონის ორბეთის შვიდწლიანი სკოლის შენობა უვარგისია და ავარიულ მდგომარეობაშია. ჩამოთვლილი სასკოლო შენობების შეკეთება ადგილობრივი კოლმეურნეობების ძალებითა და საშუალებებით სავსებით შესაძლებელია, მაგრამ განათლების ადგილობრივი ორგანოები ამ მხრივ სათანადო ინიციატივას არ იჩენენ.

არ არის დანერგილი წარმოება-დაწესებულებათა მიერ სკოლებისადმი შეფობის პრაქტიკა. ჩოხატაურის რაიონის არც ერთ სკოლაში არაა მოწყობილი სახელოსნო. თეთრიწყაროს რაიონის 24 შვიდწლიანი და საშუალო სკოლიდან სახელოსნოები მოწყობილია მხოლოდ ორ სკოლაში, გორის რაიონის 44 შვიდწლიანი და საშუალო სკოლიდან 11-სა და ზუგდიდის რაიონის 51 შვიდწლიანი და საშუალო სკოლიდან 10 სკოლაში. ეს სახელოსნოები ძალზე ღარიბია მოწყობილობით, მათ არა აქვთ შესაფერი ბინები და არ ხერხდება მეცადინეობის ორგანიზებულად ჩატარება.

გორის რაიონის 114 დაწყებითი და შვიდწლიანი სკოლიდან

სასწავლო-საცდელი ნაკვეთი არა აქვს 68 სკოლას, ხოლო ჩოხატაურის რაიონის 39 სკოლიდან — 14 სკოლას.

ზუგდიდის რაიონის 26 საშუალო სკოლიდან ფიზიკის კაბინეტი აქვს 20 სკოლას, ქიმიისა და ბიოლოგიის — 13-ს, ამ რაიონის 25 შვიდწლიანი სკოლიდან 10-ს სრულებით არ გააჩნია არც ერთი კაბინეტი; ფიზიკის კაბინეტი აქვს 10-ს, ქიმიის — 4 და ბიოლოგიის — 5 სკოლას.

გორის რაიონის 44 შვიდწლიანი და საშუალო სკოლიდან ფიზიკის კაბინეტისათვის ცალკე ოთახები არ აქვს 22, ქიმიის კაბინეტისათვის — 32 და ბიოლოგიის კაბინეტისათვის — 31 სკოლას. რიგ შემთხვევაში კაბინეტები მეტად ღარიბია ხელსაწყო-იარაღებით, რეაქტივებით და სხვა მასალით. ამით არის გამოწვეული, რომ ჩოხატაურის რაიონის კონხარის, შუასურების, ხევის, ქვაბლის, ვანახლების საშუალო, ზემოსურების, ზოტის, ჩხაკოურის და გოგოლესუბნის შვიდწლიან სკოლებში არ ტარდება პროგრამით გათვალისწინებული სადემონსტრაციო ცდები და ლაბორატორიული სამუშაოები.

სკოლების ერთი ნაწილი არ არის უზრუნველყოფილი სახელმძღვანელოებით. ზუგდიდის რაიონის ორულის საშუალო სკოლის XI კლასის 18 მოსწავლიდან ქართული ლიტერატურის სახელმძღვანელო არა აქვს 11. სტერეომეტრიისა და რუსული ენის სახელმძღვანელო — 17, ხოლო ქიმიისა — 15 მოსწავლეს, X კლასის 46 მოსწავლიდან უმეტესობას არა აქვს სახელმძღვანელოები 8 საგანში. IX კლასის 53 მოსწავლიდან 41 მოსწავლეს არა აქვს ქართული ლიტერატურის ქრესტომათია, 48-ს, — რუსული ენის სახელმძღვანელო, 47-ს — რუსული ლიტერატურისა და ტრიგონომეტრიის, 39-ს — ფიზიკის სახელმძღვანელო. დაახლოებით ასეთივე მდგომარეობაა სახელმძღვანელოებით უზრუნველყოფის მხრივ VIII, VII, VI, V და II კლასებში. სახელმძღვანელოებით არ არიან აგრეთვე მომარაგებული ზუგდიდის რაიონის რუხის საშუალო, ზედაეწერის, ოდიშის შვიდწლიანი, წულუკიძის დაწყებითი, გორის, ჩოხატაურის და თეთრიწყაროს რაიონების სკოლები.

რიგ სკოლებში სუსტია შინა-სასკოლო კონტროლი და ხელმძღვანელობა. ზუგდიდის მე-4, კახათის, ოქტომბრის, ნარაზენის, ცაიშის სკოლებში პედსაბჭოს სხდომებზე იშვიათად იხილავენ მეთოდურსა და ცალკეული საგნების სწავლების მდგომარეობის

საკითხებს. დირექტორები და სასწავლო ნაწილის გამგეები ნაკლებად ესწრებიან გაკვეთილებს. თეთრიწყაროს რაიონის ხსენების საშუალო სკოლის დირექტორს გ. პაპუაშვილს 1 მეოთხედში მის მენილი აქვს 11 გაკვეთილი, ლოუბნის სკოლის დირექტორს რიაშვილს — 22, მანგლისის ქართული სკოლის დირექტორს ბ. სულაბერიძეს — 13, ჩხიკეთის სკოლის დირექტორს ვ. ტყეშელაშვილს — 16. მოსმენილი გაკვეთილები არაა სათანადოდ გაანალიზებული და დირექტორები კმაყოფილებიან მასწავლებლებზე ფორმალური მითითებების მიცემით.

რიგ სკოლებში ადგილი აქვს მოსწავლეთა ცოდნის ლიბერალურ შეფასებას. ჩოხატაურის რაიონის გოგოლესუბნის შეიდწლიანი სკოლა წარჩინებით დაამთავრა 12 მოსწავლემ. ისინი სწავლას განაგრძობენ ჩოხატაურის საშუალო სკოლაში. აქ თითოეულ მათგანს I მეოთხედში 8 და მეტ საგანში აქვს არადამაკმაყოფილებელი შეფასება. ამავე რაიონის ფარცხმის შეიდწლიანი (დირექტორი ი. ცხობიძე) და დაწყებითი (გამგე ზ. კეშელავა) სკოლებიდან წასულმა მოსწავლეებმა ძლიერ დაბალი მომზადება გამოამჟღავნეს საშუალო სკოლაში.

თეთრიწყაროს რაიონის ლოუბნის სკოლის დამამთავრებელი კლასის მოსწავლე აზარაშვილი მხოლოდ ერთხელ იყო გამოკითხული ქიმიკში (მასწავლებელი—მ. ჭურღულაშვილი) და მიუხედავად იმისა, რომ დაბალი შეფასება მიიღო, მეოთხედური ნიშანი „3“ აქვს. ამავე საგანში ფრიადი და დამაკმაყოფილებელი შეფასებები აქვთ I მეოთხედში მოსწავლეებს ვარამაშვილსა და ყელბერაშვილს, რომელნიც გამოკითხული არიან თითოჯერ და მიღებული აქვთ შეფასება „1“. ანალოგიურ ფაქტებს აქვს ადგილი გორის რაიონის კარალეთის, ვარიანის, ქვემო ნიჭოზის საშუალო, ახალდაბის, ფხვენისის და სხვა შეიდწლიან სკოლებში. ჩოხატაურის რაიონის ბუკისციხის (დირექტორი — ა. სიხარულიძე), შუასურების (დირექტორი — ა. ტულუში), ერკეთის (დირექტორი — ფ. როინიშვილი), განახლების (დირექტორი ს. ჯიბლაძე), საკამიასერის (დირექტორი — ნ. ჭყუასელი) საშუალო და რიგ შეიდწლიან სკოლებში ზოგიერთ მასწავლებელს საკლასო ეურნალებში არ შეაქვს დამუშავებული მასალა და არც მიმდინარე შეფასების ნიშნები.

ზოგიერთი მასწავლებელი თავისი დანაშაულებრივი მოქმედებით სახელს უტეხს საბჭოთა მასწავლებლის მაღალ ავტორიტეტს.

მაგალითად, ზუგდიდის რაიონის ორულის საშუალო სკოლაში წავლებელი გ. ჩანგელია მიმდინარე სასწავლო წლის I მეოთხედის მანძილზე სკოლაში არ დადიოდა. იგი ვაშლით ვაქრობდა კოვში. სკოლის დირექტორმა ვ. ჯღამაიამ ამ ფაქტს სათანადო რეაგირება არ გაუკეთა, რითაც ჩანგელიას საშუალება მიეცა შეეღობა საბჭოთა მასწავლებლის სახელი. ამავ სკოლის ისტორიის მასწავლებელი გ. სორდია პირადი ინტერესის საფუძველზე წერდა დირექტორის წინააღმდეგ განცხადებებს და მასზე ხელს აწერიებდა სკოლის მოსწავლეებს.

სათანადო ყურადღება არ ექცევა სკოლებში მოსწავლეთა შორის შეგნებული დისციპლინის განმტკიცების საქმეს, ერთიანი პედაგოგიური მოთხოვნის, სკოლასა და მშობელს შორის ურთიერთკავშირისა და პიონერ-კომკავშირელთა ავანგარდული როლის უგულვებელყოფის შედეგად ზოგ სკოლაში დაბალია დისციპლინა. ზუგდიდის რაიონის ინგირის შვიდწლიანი სკოლის (დირექტორი — ა. ხუფაცარია) 4 მოსწავლე შემჩნეული იყო ქურდობაში. პედაგოგიურ საბჭოს ამ ფაქტის შესახებ არ უმსჯელია. სკოლის დირექტორმა სკოლიდან გარიცხა ეს მოსწავლეები, მაგრამ ამის შესახებ არაფერი აცნობა განათლების განყოფილებას. ორულის საშუალო სკოლაში (დირექტორი — ვ. ჯღამაია) უფროსი კლასების მოსწავლეები არაფხიზელ მდგომარეობაში შევიდნენ გაკვეთილებზე და დებოში ატყნეს. ამ მდგომარეობას ადვილად შეურიგდა სკოლის ხელმძღვანელობა, არ გახადა რა ეს ფაქტი პედაგოგიური საბჭოსა და მოსწავლეთა ორგანიზაციების მსჯელობის საგნად. დისციპლინის დარღვევის მრავალი შემთხვევაა დატოვებული რეაგირების გარეშე რუხის, ანაკლიის საშუალო, ზედაეწრის და ერგეთის შვიდწლიან სკოლებში.

ზუგდიდის რაიონის ზოგიერთ სკოლაში ადგილი აქვს მოსწავლეთა მიერ გაკვეთილებიდან გაპარვის შემთხვევებს. მილიციის ორგანოების მიერ ქ. ზუგდიდში ჩატარებული რეიდის შედეგად აღმოჩნდა, რომ ცაიშის საშუალო სკოლის IV კლასის მოსწავლერ. ფიფია ქ. ზუგდიდის ბაზარში დახეტიალობდა იმ დროს, როცა ის გაკვეთილებზე უნდა ყოფილიყო. ზუგდიდის მესამე შვიდწლიანი სკოლის მოსწავლეები ო. ყალიჩავა და ო. ლუკავა დაპატიმრებული იქნენ ხულიგნობისათვის; მეოთხე საშუალო სკოლის მოსწავლეები ვ. ნესაჩევი და ვ. შჩერბინა ბაზარში ეწეოდნენ სპეკულიაციას; ინგირის მე-5 რუსული საშუალო სკოლის მე-5 კლასის

მოსწავლე რ. შიპიტნოვი რეგისტრაციაშია გატარებული ქურობისათვის.

მიმდინარე სასწავლო წლის I მეოთხედში ზუგდიდის რაიონის სკოლების მოსწავლეთა მიერ არასაპატიო მიზეზით გაცდენილია 33394 გაკვეთილი. არასაპატიო მიზეზით არის გაცდენილი თეთრი წყაროს რაიონის 30 შემოწმებულ სკოლაში გაცდენილი გაკვეთილების მთელი რაოდენობის 42, ხოლო ამავე რაიონის ლოუბნის შეიღწლიან სკოლაში 77,8 პროცენტი.

იმისათვის, რომ ისარგებლოს მასწავლებელთათვის დაწესებული შეღავათებით, მასწავლებლების ერთი ნაწილი მცირე დატვირთვაზე მუშაობს. ეს იწვევს გაკვეთილების დაქუცმაცებას. ზუგდიდის რაიონის ურთის შეიღწლიან სკოლაში ისტორიის 6 გაკვეთილი თანაბრად არის განაწილებული 3 მასწავლებელზე, გეოგრაფიის 7, ბიოლოგიის 12, მათემატიკის 19, გერმანული ენის 9, და ქართული ენისა და ლიტერატურის 19 გაკვეთილი — ორ-ორ: მასწავლებელზე. ჩოხატაურის რაიონის ბუკისციხის საშუალო სკოლაში გეოგრაფიის 13 გაკვეთილს ორი და შუაგანახლების შეიღწლიან სკოლაში ქართული ენისა და ლიტერატურის 19 გაკვეთილს 3 მასწავლებელი ასწავლის. ანალოგიურ მდგომარეობას ადგილი აქვს თეთრიწყაროსა და გორის რაიონების ზოგიერთ სკოლაში.

მასწავლებლების ერთი ნაწილი არ მუშაობს თავისი სპეციალობის მიხედვით. ზუგდიდის რაიონის ინგირის შეიღწლიან სკოლაში რუსულ ენასა და ლიტერატურას ასწავლის გ. ფირცხალავა, რომელსაც დამთავრებული აქვს ორწლიანი აგრონომიული კურსები. ტყაის შეიღწლიანი სკოლის მასწავლებელ კ. შამუგიას (ფილოლოგი) ერთ კლასში ისტორიის სწავლებაც უკისრია. ამ სკოლის სასწავლო ნაწილის გამგე, ისტორიის სპეციალისტი ლ. ჭკვანავა გეოგრაფიასაც ასწავლის, მაშინ როცა გეოგრაფიის სპეციალისტი აქ დატვირთულია ბიოლოგიის გაკვეთილებით. ურთის შეიღწლიან სკოლაში გერმანული ენის 8 გაკვეთილი განაწილებული აქვთ დირექტორ გ. ლავგიალავასა და მასწავლებელ ნ. ქირიას (არც ერთი მათგანი ამ საგნის სპეციალისტი არაა).

ზემოაღნიშნული მიზეზების გამო შემოწმებული რაიონების რიგ სკოლებში დაბალია მოსწავლეთა წარმატება. ამ რაიონების სკოლებში გასული სასწავლო წლის ბოლოს ირიცხებოდა 41386 მოსწავლე, აქედან ვერ ასწრებდა 20,2 %, ხოლო საგანაღებლო

და საშემოდგომო გამოცდების შედეგად კურსის გასამეორებელი იმავე კლასებში დატოვებულ იქნა 1073 მოსწავლე, ე. ი. 12,3 %¹ ზუგდიდის რაიონის სკოლებში სასწავლო წლის ბოლოსათვის² ასწრებდა 22,1 %, საგაზაფხულო და საშემოდგომო გამოცდების შედეგად დატოვებულ იქნა იმავე კლასში 11,7%, თეთრიწყაროს რაიონის სკოლებში იმავე პერიოდისათვის ვერ ასწრებდა 20,4 %, დატოვებულ იქნა 15 %, გორის რაიონის სკოლებში — 18,9 % დატოვებული იქნა — 12,3 %, ჩოხატაურის რაიონის სკოლებში — 17,8 %, დატოვებულ იქნა 10 %. ამ მხრივ კიდევ უფრო ცუდი სურათია ცალკეული სკოლების მიხედვით. გორის რაიონის ტინისხიდის შვიდწლიან სკოლაში დატოვებულ მოსწავლეთა რაოდენობა უდრის 22,5 %, ზუგდიდის რაიონის ახალსოფლის საშუალო სკოლაში — 19,3%.

დაბალი მაჩვენებლებით დაამთავრა მიმდინარე სასწავლო წლის I მეოთხედი შემოწმებული რაიონების ზოგიერთმა სკოლამ. თეთრიწყაროს რაიონის 19 შემოწმებული სკოლიდან I მეოთხედში ასწრებდა მხოლოდ 71,5 %, 359 მეორეწლიანიდან — 159 (44,3 %); ჩოხატაურის რაიონის სკოლების 5711 მოსწავლიდან ვერ ასწრებდა 1541 (27 %). ამავე მეოთხედში ასწრებდა ზუგდიდის რაიონის ახალსოფლის საშუალო სკოლის VII კლასში მოსწავლეთა საერთო რაოდენობის მხოლოდ 44, VIII კლასში — 50 და X-ში 52,6 პროცენტი.

ვბრძანებ:

I. ზუგდიდის, გორის, თეთრიწყაროს და ჩოხატაურის რაიონების განათლების განყოფილებათა გამგეებმა (ა. ქითანავა, ა. ჩხეიძე, ა. ჟღენტი, ე. კუჭავა):

1. საყოველთაო სწავლების განუზრელად განხორციელების საქმეში მტკიცედ იხელმძღვანელონ საქართველოს სსრ განათლების სამინისტროს 1956 წლის 22 დეკემბრის (№ 1750) ბრძანებით; გადამჭრელი ზომები მიიღონ სკოლისგარეშე დარჩენილ ბავშვთა და მოზარდთა რაოდენობის დასადგენად, დააზუსტონ სკოლიდან მოსწავლეთა გასვლის მიზეზები და მომავალი სასწავლო წლისათვის უზრუნველყონ არასაპატიო მიზეზით სკოლიდან გასულ მოსწავლეთა შესაბამის კლასებში დაბრუნება;

2. მომავალში არ დაუშვან შეუმოწმებელი სტატისტიკური მასალების განათლების სამინისტროში გამოგზავნა და მკაცრი სას-

ჯელი დაადონ სკოლის ხელმძღვანელებს, რომლებიც შეეცდებიან არასწორი ცნობებით ხელმძღვანელი ორგანოების შეცდომაში შეყვანას;

3. განსაკუთრებული ყურადღება მიაქციონ სკოლების მატერიალური ბაზის განმტკიცების საქმეს, ფართოდ დანერგონ სკოლებისადმი წარმოება-დაწესებულებათა შეფობა და ამ საქმეში სათანადო დახმარების აღმოჩენის მიზნით სისტემატურად დააყენონ საქმის კურსში რაიონის ხელმძღვანელი ორგანოები;

4. უზრუნველყონ მიღებული სახელმძღვანელოების პროპორციული განაწილება სკოლებზე, მოსწავლეთა რაოდენობის შესაბამისად, პირადი პასუხისმგებლობით;

5. მიმდინარე სასწავლო წლის IV მეოთხედის ბოლომდე შეამოწმონ ამ ბრძანებაში აღნიშნული სკოლების სასწავლო-აღმზრდელობითი მუშაობა, სახალხო განათლების საბჭოს სხდომაზე მოისმინონ ცალკეული სკოლების დირექტორების მოხსენებები და ქმედითი ღონისძიებანი გაატარონ მოსწავლეთა დაბალი წარმატებისა და მეორეწლიანობის სალიკვიდაციოდ;

6. უმოკლეს ვადაში დააზუსტონ რაიონების სკოლებში მასწავლებელთა დატვირთვის მდგომარეობა, ახალი სასწავლო წლიდან არ დაუშვან საგნების დაქუცმაცება და მასწავლებელთა მუშაობა არასპეციალობის მიხედვით;

7. გააძლიერონ მასწავლებლების კვალიფიკაციის ამაღლებისადმი ხელმძღვანელობა; მკაცრი ზომები მიიღონ იმ მასწავლებელთა წინააღმდეგ, რომელნიც სამსახურებრივი მოვალეობის შესრულებისადმი დაუდევრობას იჩენენ ან თავისი დანაშაულებრივი მოქმედებით სახელს უტეხენ საბჭრთა მასწავლებლის მაღალ წოდებას;

8. სასწავლო წლის დასრულებისთანავე წარმოადგინონ განათლების სამინისტროში ანგარიში რაიონის სკოლების მუშაობის შესახებ, რომელშიაც დაწვრილებით ასახონ აღნიშნული ბრძანების შესრულების მდგომარეობა.

II. სკოლების დირექტორებმა:

1. მიმდინარე წლის 15 აპრილისათვის დააზუსტონ სასკოლო ასაკის ბავშვთა და მოზარდთა სიები, მომავალი სასწავლო წლისათვის უზრუნველყონ სკოლის გარეშე დარჩენილ ბავშვთა სწავლება-

ში ჩაბმა; სრულად შეინარჩუნონ მოსწავლეთა ის კონტინგენტი, რომელიც ამჟამად არის სკოლებში;

2. მკიდრო კავშირი დაამყარონ მოსწავლეთა მშობლებთან, მეურნეობებთან, წარმოება-დაწესებულებებთან; სრულყოფილად გამოიყენონ სკოლის სასწავლო მატერიალური ბაზის განსამტკიცებლად ადგილობრივი შესაძლებლობანი;

3. ქმედითი დახმარება აღმოუჩინონ მასწავლებლებს, სისტემატურად დაესწრონ მათ გაკვეთილებზე და დასახონ კონკრეტულ ღონისძიებანი სწავლების ხარისხის გასაუმჯობესებლად;

4. მკვეთრად გააუმჯობესონ დაბალი წარმატების მოსწავლეებთან მუშაობა და მშობლებთან ერთად მიიღონ საჭირო ზომები მეორეწლიანობის სალიკვიდაციოდ;

5. მშობელთა აქტივის დახმარებით, ერთიან პედაგოგიურ მოთხოვნათა განხორციელებით და მოსწავლეთა დასჯა-წახალისების ღონისძიებების შემოქმედებითად გამოყენებით, უზრუნველყონ სკოლებში მოსწავლეთა დისციპლინის მკვეთრად გაუმჯობესება; ამ საქმეში მტკიცედ იხელმძღვანელონ განათლების სამინისტროს 1956 წლის 2 მარტის (№ 195) ბრძანებით.

III. მომარაგებისა და დამხმარე წარმოებათა განყოფილებამ (ს. არველაძე) განსაკუთრებული ყურადღება მიაქციოს რაიონებსა და ქალაქებზე სახელმძღვანელოების სწორად განაწილებისა და ადგილებზე თავის დროზე დაგზავნის საქმეს; დაუყოვნებლივ გაატაროს საჭირო ღონისძიებანი ამ საქმეში შემჩნეულ ნაკლოვანებათა თავიდან ასაცილებლად.

IV. კადრების განყოფილებამ (ი. კვაჭაძე) II კვარტილის მანძილზე გადასინჯოს ამ ბრძანებაში აღნიშნული რაიონების მასწავლებელთა კადრები და არსებული ნაკლოვანებების აღმოსაფხვრელად გაატაროს საჭირო ღონისძიებანი.

V. სკოლების სამმართველომ (გ. საყვარელიძე) გააძლიეროს ზემოაღნიშნული რაიონების განათლების ორგანოებისადმი ხელმძღვანელობა და კონტროლი.

VI. სკოლების მუშაობისადმი არასაკმაო ხელმძღვანელობისათვის მიეთითოთ ზუგდიდის რაიონის განათლების განყოფილების გამგეს ა. კითანავას, გორის რაიონის განათლების განყოფილების გამგეს ა. ჩხვიძეს, თეთრიწყაროს რაიონის განათლების განყოფილების გამგეს ა. ელენტს და ჩოხატაურის რაიონის განათლების

განყოფილების ყოფილ გამგეს, ამჟამად ჩოხატაურის სკოლის დირექტორს ამხ. გ. კალანდაძეს.

VII. მიღებულ იქნეს მხედველობაში, რომ ამ ბრძანებით აღნიშნული ცუდად მომუშავე სკოლების ხელმძღვანელებისა და მასწავლებლების მიმართ გატარებულია საჭირო ღონისძიებანი ადგილობრივი ხელმძღვანელი ორგანოების მიერ.

VIII. აფხაზეთისა და აჭარის ასსრ განათლების მინისტრებმა, სამხრეთ ოსეთს ა/ ოლქის, რაიონებისა და ქალაქების განათლების განყოფილებათა გამგეებმა უზრუნველყონ აღნიშნული ბრძანების პედაგოგიური საბჭოების სხდომებზე განხილვა.

საფუძველი: საქართველოს სსრ განათლების სამინისტროს კოლეგიის 1957 წლის 22 თებერვლის დადგენილება.

საქართველოს სსრ განათლების

მ ი ნ ი ს ტ რ ი გ. ჯიბლაძე

სკოლა-ინტერნატის დროებითი შინაგანაწესი

1. სკოლა-ინტერნატის მოსწავლეთა ცხოვრებისა და ყოფა-ქცევის წესები დგინდება სოციალისტური თანაცხოვრების ნორმების, საბჭოთა პედაგოგიკისა და სასკოლო ჰიგიენის მოთხოვნილებათა შესაბამისად.

სკოლა-ინტერნატის შინაგანაწესის მიზანია აღსაზრდელთა მთელი კოლექტივის მოწესრიგება, მათი ჯანმრთელობის დაცვა, აღსაზრდელთა მაღალი შრომის უნარიანობით აღჭურვა; შინაგანაწესი საშუალებას აძლევს აღსაზრდელებს ყოველმხრივ განავითარონ საკუთარი ინიციატივა ინდივიდუალური და კოლექტიური საქმიანობის სხვადასხვა დარგში.

სასწავლო წლის ორგანიზაცია

2. სასწავლო წელი სკოლა-ინტერნატში ისე, როგორც ყველა ზოგადსაგანმანათლებლო სკოლაში, იწყება 1 სექტემბერს. 30 დეკემბრიდან 10 იანვრამდე (ჩათვლით) ტარდება საზამთრო არდადეგები, 25 მარტიდან 3 აპრილამდე (ჩათვლით) საგაზაფხულო არდადეგებები.

3. საზამთრო და საგაზაფხულო არდადეგების დროს მშობელთა სურვილით აღსაზრდელებს შეიძლება მიეცეთ შვებულება.

საზაფხულო არდადეგების დროს I — IV კლასების მოსწავლეებს ეძლევათ შვებულება 6 კვირის, V — IX კლასების მოსწავლეებს კი — 4 კვირის ხანგრძლიობით. არდადეგების დანარჩენ პერიოდში მოსწავლეები ცხოვრობენ ინტერნატში და მონაწილეობენ სკოლის მეურნეობის აუცილებელ სამუშაოებში, აგრეთვე საზოგადოებრივ-სასარგებლო შრომაში კოლმეურნეობებსა და საბჭოთა მეურნეობებში. საზაფხულო შვებულება აღსაზრდელებს ეძლევათ ჯგუფურად სხვადასხვა დროს ადმინისტრაციის შეხედულებისა და მშობლებთან შეთანხმების საფუძველზე იმ ანგარიშით, რომ

ზაფხულის მთელ მანძილზე უზრუნველყოფილი იყოს სკოლის მეურნეობის მომსახურება აღსაზრდელთა ძალებით.



ეროვნული
განათლების
მინისტრის
გენერალური
სამსახური

განაწესი მოსწავლეთათვის

4. განაწესს მოსწავლეთათვის ადგენს სკოლის დირექტორი, სკოლა-ინტერნატში ცხოვრების საერთო პირობების, მოსწავლეთა ასაკისა და სასკოლო ჰიგიენის მოთხოვნათა გათვალისწინებით.

განაწესში უნდა იყოს გათვალისწინებული:

დილის ვარჯიში 15 წუთის ხანგრძლიობით;
მეცადინეობა სასწავლო გეგმის სრული შესაბამისობით;
შესვენების ხანგრძლიობა 10 წუთი, მესამე შესვენებისა — 30 წუთი; სხვადასხვა წრეებსა და სპორტულ სექციებში მუშაობისათვის, აგრეთვე თავისუფალი დროისათვის, რომელიც ბავშვებმა უნდა გაატარონ თავისი ინტერესებისა და მიდრეკილების მიხედვით. გათვალისწინებულ უნდა იქნეს:

I — VI კლასების მოსწავლეთათვის 1,5 საათი;

VII — X კლასების მოსწავლეთათვის 2 საათი;

სუფთა ჰაერზე ყოფნისათვის მთლიანად გათვალისწინებულ უნდა იქნეს:

I — IV კლასების მოსწავლეთათვის 4 საათი;

V — VII კლასების მოსწავლეთათვის 2 საათი და 42 წუთი;

VIII — X კლასების მოსწავლეთათვის 2 საათი;

საშუალო და უფროსი ასაკის აღსაზრდელისათვის (V — X კლასები) ამ დროიდან 1 — 1,5 საათი განეკუთვნება დამოუკიდებელ საქმიანობას.

საერთო მაქსიმალური ხანგრძლიობა საკლასო და დამოუკიდებელი სასწავლო მეცადინეობისა შრომაში, სასწავლო პროგრამით გათვალისწინებული მეცადინეობის ჩათვლით, განისაზღვრება (ასტრონომიულ საათებში):

I კლასის მოსწავლეთათვის 4 საათი;

II — IV კლასების მოსწავლეთათვის 4,5 საათი;

V — VII კლასების მოსწავლეთათვის 6,5 საათი;

VIII — X კლასების მოსწავლეთათვის 8 საათი.

ამ დროიდან დამოუკიდებელ სასწავლო მეცადინეობას დაეთმობა:



- III — IV კლასების მოსწავლეთათვის 1 საათი;
- V — VI კლასების მოსწავლეთათვის 1,5 საათი;
- VII — VIII კლასების მოსწავლეთათვის 2 საათი;
- IX — X კლასების მოსწავლეთათვის 2,5 საათი.

I — II კლასებში ტარდება მხოლოდ საკლასო მეცადინეობა; დამოუკიდებელი საშინაო დავალება ამ კლასების მოსწავლეებს არ ეძლევათ.

საშინაო დავალებების შესრულება III — X კლასების მოსწავლეებმა უნდა დაიწყონ არაუგვიანეს 17.00 — 18.00 საათისა.

დამოუკიდებელი მეცადინეობისას საჭიროა ხანმოკლე შესვენებების მოწყობა. III — IV კლასების მოსწავლეებისათვის ყოველი 30 წუთის, V — X კლასების მოსწავლეებისათვის ყოველი 45 წუთის შემდეგ. საზოგადოებრივ-სასარგებლო და საოჯახო საქმიანობისათვის, რომელშიც აღსაზრდელებს აბამენ მათი ასაკისა და ინდივიდუალურ თავისებურებათა მიხედვით, გათვალისწინებულ უნდა იქნეს:

- I — IV კლასების მოსწავლეთათვის 45 წუთი, V — X კლასების მოსწავლეთათვის — 1 საათი.

დღის რეჟიმში მოსწავლეთა თვითმომსახურებისა (დილის და საღამოს ტუალეტი, ლოგინის დალაგება, ტანსაცმლის მოვლა-პატრონობა, დილის ვარჯიში, წყლის პროცედურა) და კვებისათვის გათვალისწინებულ უნდა იქნას: I — VII კლასების მოსწავლეთათვის 2 საათი, VIII — X კლასების მოსწავლეთათვის 1 საათი და 45 წუთი.

მოსწავლეთა კვება წარმოებს დღეში ოთხჯერ: დილის საუზმე (დღიური კალორიულობის 25%), მეორე საუზმე მეცადინეობის პერიოდში (15%), სადილი (40 — 45%) და ვახშამი (15 — 20%).

ძილის ხანგრძლიობა: I კლასის მოსწავლეთათვის — 11,5 საათი (აქედან 1 — 1,5 საათი დღის ძილი).

II — IV კლასების მოსწავლეთათვის 11 საათი. (აქედან II კლასის მოსწავლეთათვის 1 — 1,5 საათი დღის ძილი);

- V — VI კლასების მოსწავლეთათვის 10 საათი;
- VII — კლასის მოსწავლეთათვის 9,5 საათი;
- VIII — X კლასების მოსწავლეთათვის 9 საათი.

ექიმის დასკვნით დღის ძილი შეიძლება დაწესდეს აგრეთვე

III — X კლასების ცალკეულ აღსაზრდელთათვის 1 — 1,5 საათის ხანგრძლიობით.

კვირა დღეებსა და არდადეგების პერიოდში რეჟიმის, ძირითადი ელემენტები (ძილი, ჭამა, ჰიგიენის პროცედურები) ხანგრძლიობისა და შესრულების დროის მიხედვით იგივე რჩება, რაც სამუშაო დღეებში. აღსაზრდელები 5 — 6 საათს ატარებენ სუფთა ჰაერზე, სპორტულ და სხვა სახის თამაშობებში, ექსკურსიებსა, მოკლე ტურისტულ ლაშქრობებსა და მუზეუმების, გამოფენების დათვალიერებაში. ხანგრძლივდება აღსაზრდელთა დამოუკიდებელი საქმიანობის დრო.

ზაფხულის განმავლობაში ყველა ასაკის აღსაზრდელი ეწევა შესაფერის საზოგადოებრივ-სასარგებლო შრომას, ხოლო უფროსი ასაკის აღსაზრდელები — საწარმოო შრომას სოფლის მეურნეობაში.

მებაღეობა-მებოსტნეობისა და სხვა სასოფლო-სამეურნეო სამუშაოებს დაეთმობა:

უფროსი კლასების მოსწავლეთათვის — 4 — 5 საათი დღეში;

საშუალო კლასების მოსწავლეთათვის 3 — 4 " "

უმცროსი კლასების მოსწავლეთათვის 1,5 " "

უმცროსი ასაკის ბავშვებისათვის ყოველი 20 — 30 წუთის, ხოლო საშუალო და უფროსი ასაკისათვის 50 წუთის მუშაობის შემდეგ ეწყობა ათწუთიანი შესვენება.

ამასთან ერთად ტარდება გამაჯანსაღებელი ღონისძიებანი, რისთვისაც დღის რეჟიმში გათვალისწინებული უნდა იქნეს 1 — 1,5 საათი.

დღის განაწილის შესრულება

5. დღის საყვირის ხმაზე აღსაზრდელები დგებიან და თავიანთი აღმზრდელების მეთვალყურეობის ქვეშ ეწყობიან დღის ვარჯიშისათვის, რომელსაც ატარებს ფიზკულტურის მასწავლებელი.

დღის ვარჯიშის შემდეგ ბავშვები ასწორებენ საწოლებს, პირს იბანენ და ემზადებიან დღის დათვალიერებისათვის. დათვალიერებას ატარებენ აღმზრდელები. ისინი ამოწმებენ აღსაზრდელთა რიცხვს, მათ მიერ პირადი ჰიგიენის წესების დაცვის მდგომარეობას, ტანსაცმელისა და ფეხსაცმელის მდგომარეობას, მიუთითებენ შემჩნეულ ნაკლოვანებათა დაუყოვნებლივ გამოსწორებაზე. გარდა ამისა, აღმზრდელები ავლენენ იმ აღსაზრდელებს, რომელთაც სამედიცინო დახმარება ესაჭიროებათ და გზავნიან მათ სამედიცინო პუნქტში.

6. დილის დათვლიერების შემდეგ აღსაზრდელები მიდიან სასა-
დილოში საუზმის მისაღებად. სასადილოში ისინი იკავებენ მათზე
მუდმივ გაპიროვნებულ ადგილს.

აღსაზრდელები ასეთივე წესით მიდიან მეორე საუზმის,
სადილისა და ვახშმის მისაღებად. საკმლის მიღების დროს აღსაზრ-
დელებს მორიგეობის წესით, მომსახურეობას უწევენ თვით აღმ-
ზრდელები.

7. საუზმის შემდეგ აღსაზრდელები ამზადებენ ყველაფერს, რაც
მათ გაკვეთილებისათვის სჭირდებათ და მიდიან კლასებში.

შენიშვნა: 1. სკოლა-ინტერნატის აღსაზრდელთათვის სკოლა-
ში სავალდებულოა მასობრივი სკოლის მოსწავლეთა ქცევის წე-
სები.

2. დიდი დასვენების დროს მოსწავლეებს ეძლევათ მეორე
საუზმე.

8. მოსწავლეები დამოუკიდებლად ამზადებენ გაკვეთილებს თა-
ვიანთი აღმზრდელის ზედამხედველობით. სასწავლო კაბინეტებში
ამ დროს საჭიროების მიხედვით წესდება მორიგეობა მასწავლებლე-
ბისა, რომლებიც მოსწავლეებს საჭირო კონსულტაციასა და დახმა-
რებას უწევენ.

აღსაზრდელთათვის, რომლებმაც გაკვეთილები გააცდინეს და
სწავლაში ჩამორჩნენ, მასწავლებლები სასწავლო-აღმზრდელობითი
ნაწილის გამგესთან შეთანხმებით ატარებენ დამატებით მეცადინე-
ობას, როგორც წესი, ინდივიდუალურად.

კლასგარეშე და სკოლის გარეშე მეცადინეობებზე აღსაზრდელე-
ბი მიდიან აღმზრდელების ნებართვით.

სამუშაო დღე მთავრდება საღამოს შემოწმებით, რომელსაც
ატარებენ აღმზრდელი მასწავლებლები საწოლი ოთახების შემოვ-
ლით, თანახმად სკოლა-ინტერნატის დირექტორის ინსტრუქციისა.

9. შაბათსა და უქმეების წინა დღეებში აღსაზრდელებს შეუძ-
ლიათ მიიღონ შვებულება მშობლების ან ნათესავების სანახავად.
შვებულების მიღების მსურველნი ნებართვისათვის მიმართავენ თა-
ვის აღმზრდელ-მასწავლებელს, რომელიც მათ ათავისუფლებს დი-
რექტორთან შეთანხმებით.

შვებულებაში წამსვლელი ცხადდება სკოლა-ინტერნატის უფ-
როს მორიგესთან, რომელიც მხოლოდ მას შემდეგ აძლევს აღსაზრ-
დელს წასვლის ნებართვას, როდესაც დარწმუნდება, რომ მას წესი-

ერად აცვია და სუფთადაა. შვებულებიდან დაბრუნების შემდეგ აღსაზრდელი ცხადდება სკოლა-ინტერნატის უფროს მორიგესთან/ თავის აღმზრდელთან, გაივლის სანიტარულ დამუშავებას და დაუბრუნდება თავის ჯგუფს.

10. მშობლებისა და ნათესაეების მიერ აღსაზრდელთა ნახვის წესს ადგენს სკოლა-ინტერნატის დირექტორი.

11. სკოლა-ინტერნატში წესდება თანამშრომელთა და უფროსი ასაკის აღსაზრდელთა ყოველდღიური სადღეღამისო განწესება სკოლა-ინტერნატის უფროსი მორიგის, სამზარეულოს მორიგის, სკოლის მორიგის, ინტერნატის მორიგის, სამედიცინო პუნქტის მორიგის, მორიგე დარაჯისა და მორიგე მებუქის შემადგენლობით.

12. სამედიცინო პუნქტისა და სამზარეულოს მორიგეებთან ერთად ბავშვთა კოლექტივის ორგანოების მიერ მორიგეებად ინიშნებიან აღსაზრდელებიც (მეცადინეობიდან თავისუფალ დროს). მორიგე მებუქედ ინიშნება აღსაზრდელი.

13. კლასში ერთი კვირის ვადით ინიშნებიან: კლასის მორიგე, სასადილოს მორიგეები, სამზარეულოს მორიგეები. ინტერნატის მორიგე ინიშნება ერთი დღის ვადით.

14. აღსაზრდელი გოგონები და ვაჟები თავსდებიან ცალცალკე კორპუსებში. საძინებელი ოთახების გარდა უნდა იყოს სასტუმრო, ოთახი გართობისა და დასვენებისათვის, მორიგე აღმზრდელისა და მორიგე ძიძის ოთახები, საპირფარეშო, პირსაბანი ოთახები, აბაზანისა და შხაპის მისაღები ოთახები, ჰიგიენის ოთახები გოგონებისათვის, ფეხსაცმლისა და ტანსაცმელის გასაწმენდი და ტანსაცმელის გასახდელი (გარდერობი) ადგილები.

ინტერნატი უნდა იყოს კეთილმოწყობილი ავეჯით, სურათებით და პორტრეტებით. აუცილებელია რადიოფიცირება და ადგილობრივი რადიოგადაცემების მოწყობა. საწოლები საძინებელ ოთახებში განლაგდება გარკვეული წესის მიხედვით. ყოველი საწოლის ბოლოში იდგმება სკამი, რომელზედაც აღსაზრდელი წესიერად აწყობს ტანსაცმელს.

საწოლები უნდა იყოს შეღებილი ან ნიკელის; საძინებელ ოთახებში ფანჯრებზე ჩამოკიდებულია ფარდები.

15. პირსაბანი ოთახები გოგონებისათვისა და ვაჟებისათვის (ცალცალკე) უნდა იყოს ფართო, ყოველ ხუთ აღსაზრდელზე ერთი ონკანით, და ფეხების საბანად სპეციალური მოწყობილობით. პირ-

საბან ოთახებში უნდა იყოს სპეციალური კარადა თაროებით აღსაზრდელთა რიცხვის მიხედვით ინდივიდუალური უჯრებით სანა-
ნის, კბილის ფხვნილისა და კბილის ჯაგრისის შესანახად. ^{ეროვნული}
სააბაზანო და საშხაპო ოთახები ეწყობა გოგონებისა და ^{გოგონებისა} ~~ქალებისა~~
სათვის ცალკაღე.

საპირფარეშო ოთახში უნდა იყოს არა ნაკლები ერთი თვალისა ყოველ ათ აღსაზრდელზე. მოწყობილობანი პირსაბან ოთახებში უნდა იყოს დადგმული აღსაზრდელთა სიმაღლის მიხედვით.

16. საცხოვრებელ ნაგებობათა ყოველდღიური დასუფთავება სწარმოებს შტატიტ გათვალისწინებული მომსახურე პერსონალისა და მორიგე აღსაზრდელის მიერ; კვირაში ერთხელ ტარდება ინტერნატის ყველა ნაგებობებისა და ეზოს გენერალური დასუფთავება. ამ საქმეში ჩამბული უნდა იყვნენ ყველა კლასის აღსაზრდელები, რომელთაც დაევალება აღსაზრდელთა ასაკისა და ფიზიკური შესაძლებლობათა შესაფერი სამუშაოების შესრულება.

17. ყველა საცხოვრებელ სადგომში ზამთარში უნდა იყოს ტემპერატურა არანაკლებ 18°C .

18. ყოველ კლასს აქვს სასკოლო ავეჯის აუცილებელი რაოდენობა, შერჩეული აღსაზრდელთა სიმაღლის მიხედვით, საკლასო დაფა, მაგიდა და კათედრა მასწავლებლისათვის, კარადები აღსაზრდელთა წიგნების, სახელმძღვანელოების, რვეულებისა და სხვა სასწავლო ნივთების შესანახად.

19. სასწავლო კაბინეტებს, სასწავლო საწარმოო სახელოსნოებს, სპეციალურ ლაბორატორიებსა და კაბინეტებს უნდა გააჩნდეთ ყველა საჭირო მოწყობილობით, წყლითა და მუდმივცვლადი დენით აღჭურვილი სათანადო ფართობი.

20. სკოლა-ინტერნატს აქვს სასწავლო-საცდელი ნაკვეთი და დამხმარე მეურნეობა არანაკლებ 5 ჰექტარისა.

სანიტარული მომსახურება

21. აღსაზრდელებმა უნდა დაიბანონ აბანოში ან მიიღონ აბაზანა კვირაში ერთხელ; ლოგინის თეთრეული, (გარდა საბნის გამოსაყრავებისა) საცვლები და პირსახოცები უნდა გამოიცვალოს ყოველკვირეულად. საბნის გამოსაყრავი კი — ორ კვირაში ერთხელ. წინდები, ცხვირსახოცები და იაყების საყელის გამოსაყრავები — კვირაში ორჯერ, ლებებებისა და საბნების გამზეურება-გაბერტყვა — თვეში 2-ჯერ.

ზედა ტანსაცმელი, ქუდეები, ფეხსაცმელი და თეთრეული, რომლებიც აღსაზრდელებს ეძლევათ, აუცილებლად თითოეულზე უნდა იყოს მორგებული და გაპიროგენებული გარკვეული ნომრით.

22. ზაფხულობით აღსაზრდელთა ცურაობა და მათი მის გაკაჩება წარმოებს სკოლა-ინტერნატის ექიმის მიერ შემუშავებული და დირექტორის მიერ დამტკიცებული მითითებებით.

23. უფროსი კლასების (VIII-დან ზემოთ) აღსაზრდელ ვაჟებს უფლება ეძლევათ იქონიონ მოკლე და წესიერად დავარცხნილი თმა; დანარჩენი კლასების აღსაზრდელი ვაჟები იკრიჭავენ თმას მანქანით თვეში ორჯერ.

აღსაზრდელთა ქცევის წესები

24. აღსაზრდელი ვალდებულია:

— გულმოდგინედ და თავგამოდებით ეუფლებოდეს ცოდნას, იძენდეს შრომითი საქმიანობისათვის აუცილებელ ცოდნა-ჩვევებს, რომ გახდეს განათლებული და კულტურული წევრი საზოგადოებისა და საბჭოთა სამშობლოს მოუტანოს რაც შეიძლება მეტი სარგებლობა.

— ისწავლოს ბეჯითად, გაკვეთილებზე გამოცხადდეს დაუგვიანებლივ, გაკვეთილის დროს სწორად იჯდეს, ყურადღებით უსმენდეს მასწავლებელს და მოსწავლეთა პასუხებს; დროულად, წესიერად, დამოუკიდებლად შეასრულოს მასწავლებლის მიერ მიცემული საკლასო და საშინაო დავალებები.

— ზუსტად და მტკიცედ დაიცვას აღსაზრდელთათვის დადგენილი ცხოვრებისა და შრომის წესები.

— იყოს მოკრძალებული სკოლა-ინტერნატის დირექტორის, მასწავლებლების, ამღაზრდელ-მასწავლებლების, უფროსებისა და ყველა მომსახურე პერსონალის მიმართ, პატივისცემით მოეპყრას მათ, უყოყმანოდ შეასრულოს მათი განკარგულებები და მოთხოვნილებანი.

— იყოს გულისხმიერი და თავაზიანი უფროსების, პატარა ბავშვების, სუსტების, ავადმყოფების მიმართ, დაუთმოს მათ გზა, ადგილი, გაუწიოს ყველა შესაძლო დახმარება.

— იყოს მუდამ მართალი და პატიოსანი.

— იყოს თავმდაბალი, იქცეოდეს ზრდილობიანად, კულტურუ-

ლად და ღირსეულად როგორც სკოლაში, ისე სკოლის გარეთ (ქუჩაში, საზოგადოებრივ ადგილებში, ოჯახში, ამხანაგებთან და სხვ.)

არ იხმაროს უწმაწური სიტყვები და უხეში გამოთქმები; მოსწიოს თამბაქო და არ დალიოს მაგარი სასმელები; შოს ფულზე და სხვა ნივთებზე.

— პასუხისმგებლობითა და მომჭირნობით ზრუნავდეს სახალხო ქონების დაცვაზე, ფრთხილად მოექცეს ნივთებს, რომლებიც მის საკუთარ და მისი ამხანაგების საარგებლობაშია.

— დაიცვას და ფრთხილად მოექცეს წიგნებს, სასწავლო ნივთებს, ინსტრუმენტებს, დაზგებსა და მანქანებს. წესრიგში იქონიოს თავისი ტანსაცმელი, ფეხსაცმელი და ლოგინი; ხელი შეუწყოს სისუფთავისა და წესრიგის დაცვას საძინებელ ოთახში კლასში და სკოლის სხვა ადგილებში.

— იყოს კარგი ამხანაგი კოლექტივში, დაეხმაროს ამხანაგებს, მთარიდოს ისინი ცუდ საქციელს; არ დაფაროს ცუდი საქციელის ჩამდენი ამხანაგები, იყოს მუდამ მომთხოვნი საკუთარი თავისადმი, დაიცვას კოლექტიური ცხოვრების წესები, სამაგალითო სწავლით, შრომითა და ყოფაქცევით ყოველმხრივ შეუწყოს ხელი კლასისა და მთელი სკოლის კოლექტივის განმტკიცებას; გაუფრთხილდეს კოლექტივის ღირსებასა და პატიოსნებას;

— მტკიცედ დაიცვას პირადი ჰიგიენის წესები; ყოველდღიურად, დადგენილ დროს (დილას და საღამოს), დაიბანოს პირი, ყურები, კისერი და დილით დაიზილოს ტანი ქამრამდე; დაიბანოს ხელები ქამის წინ და მუშაობის შემდეგ და ყოველ საღამოს ძილის წინ — ფეხები გრილი წყლით, გაიწმინდოს კბილები ჯაგრისით საღამოობით დაძინებამდე. გამოივლოს პირში წყალი ძილისა და საკმლის მიღების შემდეგ, დროულად დაიქრას ფრჩხილები ხელებზე და ფეხებზე, შეიკრიპოს თმები, დაიცვას ძილის ჰიგიენა.

აღსაზრდელების მიზანით სახალისებისა და დასჯის ღონისძიებები

25. აღსაზრდელები, რომლებიც კეთილსინდისიერად ასრულებენ თავის მოვალეობას, გამოირჩევიან სამაგალითო ყოფაქცევით, შრომის მოყვარეობით და სწავლაში წარმატებას იჩენენ, ჯილდოვდებიან; უღისციპლინონი და დაუდევარნი — ისჯებიან სკოლა-ინტერნატიდან გარიცხვამდეც კი.

26. აღსაზრდელების მიმართ გამოიყენება წახალისების, ღონისძიებანი: მადლობის გამოცხადება ხაზზე ან სკოლა-ინტერნატისადმი ბრძანებით, ადრე დადებული სასჯელის მოხსნა, მშობლების ან მათი შემცველი პირების მისამართით წერილით გაგზავნილი შექება, ქების სიგელით ან ფასიანი საჩუქრებით დაჯილდოება, სწავლაში წარჩინებულ საზოგადოებრივ-სასარგებლო შრომაში მონაწილეობითა და სანიმუშო ყოფაქცევით განსაკუთრებულად გამორჩეულ აღსაზრდელთა საპატიო დაფაზე შეტანა.

27. სკოლა-ინტერნატის ხელმძღვანელობისა და პედაგოგიური შემადგენლობის უფლებები აღსაზრდელთა მიმართ წახალისების ღონისძიებათა გამოყენების საქმეში.

მაწავლებელს, აღმზრდელსა და ოსტატს უფლება აქვთ: გამოუცხადონ აღსაზრდელს პირადი მადლობა, მადლობა კლასისა ან ჯგუფის წინაშე, მოუხსნან წინათ მათ მიერ დადებული სასჯელი და გაუგზავნონ აღსაზრდელის შექების წერილი მშობლებს ან მათ შემცველ პირთ.

სკოლა-ინტერნატის დირექტორსა და მის მოადგილეს უფლება აქვთ გამოიყენონ წახალისების ზემოთ მოყვანილი ყველა სახე. მაწავლებელთა და აღმზრდელთა წინადადებით აღსაზრდელის ქების სიგელით ან ფასიანი საჩუქრებით დაჯილდოების, საპატიო დაფაზე შეტანის და სკოლისადმი ბრძანებით მადლობის გამოცხადების უფლება აქვს სკოლა-ინტერნატის დირექტორს.

აღმზრდელთა მიმართ გამოსაყენებელი დისციპლინარული სასჯელის სახეებია: შენიშვნა ან გაფრთხილება, პირადი საყვედური, საყვედური კლასისა ან ჯგუფის წინაშე, საყვედურის გამოცხადება სკოლა-ინტერნატის დირექტორის ბრძანებით, გამოსასვლელ და უქმე დღეებში, შვებულების უფლების წართმევა (არა უმეტეს ერთი დღისა თვეში), რიგ გარეშე განწესება (არა უმეტეს ორი განწესებისა), ყოფაქცევაში ნიშნის დაკლება.

სერიოზულ დანაშაულობათა შემთხვევაში სკოლა-ინტერნატიდან გარიცხვა.

29. მაწავლებელს, აღმზრდელსა და ოსტატს უფლება აქვთ: მისცენ აღსაზრდელს შენიშვნა ან გაფრთხილება; გამოუცხადონ პირადი საყვედური, გამოუცხადონ საყვედური კლასისა ან ჯგუფის წინაშე; წაართვან გამოსასვლელ და უქმე დღეებში შვებულება;

მისცენ რიგ გარეშე განწესება; შეიტანონ წინადადება სკოლა-ინტერნატის დირექტორთან აღსაზრდელის უფრო მკაცრად დასჯის შესახებ.

სკოლა-ინტერნატის დირექტორსა და მის მოადგილეს უფლება აქვთ აღსაზრდელების მიმართ გამოიყენონ დასჯის ზემოთ აღნიშნული ყველა სახე.

სკოლა-ინტერნატიდან აღსაზრდელის გარიცხვა ხდება პედაგოგიური საბჭოს დადგენილებით და მტკიცდება სკოლა-ინტერნატის დირექტორის ბრძანებით.



შ ი ნ ა ა რ ს ი

1. ბრძანება № 50—სათამაშოების მუზეუმის მუშაობის შემოწმების შედეგების შესახებ	3
2. ბრძანება № 93—მოსწავლეთა არდადეგების, სკოლებში მეცადინეობის დამთავრებისა და გამოცდების ჩატარების ვადების შესახებ	5
3. დებულება სკოლაში გაზანგრივებული დღის ჯგუფების შესახებ	7
4. ბრძანება № 285/კ—კადრების დარგში ქ. ფოთის განათლების განყოფილების მუშაობის შესახებ	10
5. მეშა და სოფლის ახალგაზრდობის, დაუსწრებელი და ოფიცერთა ზოგადსაგანმანათლებლო საშუალო სკოლების ზოგიერთი მოსწავლის უცხო ენების სწავლებისაგან განთავისუფლების შესახებ	14
6. ბრძანება № 142—1956 წლის IV კვარტალში საბავშვო სახლების შემოწმების შედეგები შესახებ	15
7. ბრძანება № 154—ასსრ განათლების სამინისტროების, ა/ოლქის, რაიონებისა და ქალაქების განათლების განყოფილებათა მიერ საქართველოს სსრ განათლების სამინისტროს ბრძანებებისა და განკარგულებების შესრულების შესახებ	17
8. ბრძანება № 155—ქუთაისის რაიონის სოფელ რიონის საშუალო სკოლის შესახებ	22
9. ბრძანება № 159—ზაშურის რაიონის სკოლებში პოლიტექნიკური სწავლების განხორციელების მდგომარეობის შესახებ	24
10. ბრძანება № 160—ზაშურისა და ქარელის რაიონების სკოლებში სასწავლო-აღმზრდელობითი მუშაობის შემოწმების შედეგების შესახებ	29
11. ბრძანება № 373/კ—მასწავლებელთა დახელოვნების ინსტიტუტის საკურსო ღონისძიებათა 1956 წლის შედეგებისა და 1957 წლის გეგმის დამტკიცების შესახებ	37
12. ბრძანება № 199—ზუგდიდის, გორის, თეთრიწყაროსა და ჩოხატაურის რაიონების სკოლების მუშაობის შემოწმების შედეგების შესახებ	49
13. სკოლა-ინტერნატის დროებითი შინაგანაწესი	60

ფონი

18.13/170



ქართული
ნაციონალური
ბიბლიოთეკა